


EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5

DS
754
.7
S5
1738
V. 112



硃批諭旨

任蘭枝

尹繼善奏摺

硃批任蘭枝奏摺

提督四川學政臣任蘭枝謹
奏爲敬陳下悃事臣一介庸愚蒙

皇上簡任四川學政自到任以來感荷

聖恩時切悚懼於考試文武生員等第及文武童生入
學務在嚴以核實寬以取才實不敢分毫苟且亦
不敢一念草率負

深恩而干大戾至於蜀省學臣竝無學田公項可以養
廉衆士子亦共知之其文武童生入學者於發案
之後願送贄見以佐用度臣酌量其中力量能者

以十二兩爲止不能者減之極貧者分文不取人情悅服到處頗無異同臣三年之中一切用度皆出於此總之臣受

皇上深恩臣之名節惟恃

皇上聖明故能保全臣之身家亦惟恃

皇上聖明自加體恤

覆載生成從何報效臣之下悃於開考時卽應

奏明因奉有

訓旨四川路遠不必輕易差人來京故未及陳奏今離

闕二載瞻戀

天顏雖夢寐之間不忘感泣謹遣家人齎摺恭請

聖安所有微臣實情理合請

奏明伏惟

聖鑒謹

奏

所奏知道了加勉加慎爲之可也

土備提督四川學政臣任蘭枝謹

奏恭請

皇上聖安

朕安凡事秉公毅然而行不必迎合阿順該督撫如督

硃批諭旨

任蘭枝

撫有藉端搜尋於爾之處差人齎摺密奏朕知

提督四川學政臣任蘭枝謹

奏爲欽奉

上諭事竊臣接准川陝督臣咨文開奉

上諭凡內外文武官員曾經面奉諭旨除不能記載者
俱將訓旨一一詳細將年月日一同繕寫進呈御覽
內外文武大吏著自行封進其不應奏摺之員著封
固交與該上司轉奏欽此臣前赴任四川於雍正元
年十一月初一日恭請

聖訓曾經面奉

聖訓曾經面奉

諭旨臣係小臣本不敢援大吏自行封進之例因蒙

聖恩許臣差人

奏摺理合將前奉過

諭旨一一詳細繕寫封固進呈

御覽其應行回

奏事情俱於遵

旨回奏事內摺奏合併聲明謹

奏

是惟當密之又密

提督四川學政臣任蘭枝謹

殊批諭旨

三

任蘭枝

奏爲恭繳

御批事臣於本年正月十三日在成都衙門巡撫處送到發回臣請

安一摺奉有

硃批諭旨仰見

皇上訓誡公忠體恤下情之至意捧讀再四感激涕零

竊臣職司學政凡遇公事與督撫文移往來俱照

衙門舊例其餘各不侵涉至考試之事聞向來督

撫皆有棚規臣仰恃

皇上聖明志除陋習不用迎合此項實不能給在督撫

亦竝未有搜尋難爲之處如有此情臣自不敢隱
匿爲此據實回
奏所有奉到

御批原摺理合恭繳謹

奏

前諭因年羹堯在任而發或恐爾念差錯誤入邪途今
巨憝已除可不必矣
覆奏一摺留中甚屬公當朕殊嘉之

兵部右侍郎臣任蘭枝江西巡撫臣謝旻謹

奏爲奏

聞事竊照江西廣信營叅將張福揭報南昌總兵陳王

章扣侵公費等款一案臣等遵

旨會審查得陳王章於雍正六年

奏定每兵百名存糧五分爲各營修整甲械公用乃

陳王章於

奏定後仍借大公費名色令各營按季繳銀共收過
銀四千七百二十六兩零詰訊陳王章業已直認
無辭但據呈有支銷清冊臣等查冊內所開除一
切營中公用銀二千五百八十八兩零應准開銷
外尚有應追那用銀一千七百八十五兩零其酬

應私情擅支公項銀三百五十二兩零應照監守
自盜例定擬按數追賠交部治罪至張福於雍正
七年九月到任至八年夏季已歷三季該營公費
銀兩亦俱照舊繳送竝無異辭其致隙之由蓋緣
八年七月中陳王章將張福所送考拔外委目兵
責懲申飭又張福曾隨陳王章赴教場未經命坐
嫌其不加禮貌以致彼此成隙猜嫌日起張福遂
於八年八月內將陳王章收用公費通詳而陳王
章亦以張福濫責目兵徐天祿致令身故欺凌守
備高有賢致令目盲具稟督臣高其倬經督臣檄

司查驗而張福心生疑懼揭報部科此兩人搆釁
結怨之情節也除餽收土儀濫責目兵欺壓屬員
及用空白文冊等輕罪均於

題案內分晰聲明外至臣等查審之下張福所揭陳
王章收受公費原係實情竝無虛捏而張福以弋
陽縣知縣趙憲清奉委將徐天祿檢驗據實報傷
遂指陳王章賄囑通判許天奇轉囑知縣趙憲清
捏報陷害及至三面質訊所稱賄囑捏報張福毫
無指實并查趙憲清審詳案卷竝無陷害張福情
由其爲誣揭是實張福照例擬以誣告加等聽部

定議所有查審此案情節緣由謹繕公摺恭齎奏
聞伏乞

皇上睿鑒謹

奏

覽奏知道了任蘭枝審理此案殊屬公當妥協

府查驗兩縣地志生疑擬請報部科此兩人據登
諸恐之請和道據報教士便從責日其欺壓屬員
及所生約文均等將呈均於
縣內分衙門轉呈至等查得之下張福所揭陳
王原收受全費均係實情並無虛捏而張福以七
寶泰賬取丁升蘭對審照此案報縣公當受罰實無
差遂將陳王原等處置
皇上御覽點
間分三指責并查得憲清署詳案卷內無庸書案雖情
實屬祖育查審此案計前經由蘭縣公附恭齋奏

硃批尹繼善奏摺

雍正六年六月二十八日內閣侍讀學士協理河

目查工事務

臣尹繼善謹習辦會審少

目奏爲恭謝

命審辦案審照宗謀再快可工

天恩事竊臣父子兄弟闔家受

恩至深至重毫無報稱萬一臣自拔置詞林甫及五載

蒙

皇上異數疊施不次遷擢

皇上異數疊施不次遷擢

命署粵東臬司印務朝夕兢兢盡心學習方懼識短才

庸萬難勝任復蒙

庸萬難勝任復蒙

硃批諭旨

尹繼善

聖恩授爲內閣侍讀學士協理河工事務聞

命之下感愧無地伏思河工關係甚重臣雖毫無所知
當此伏秋水汛之時赴工心切於半月內將未完
事件辦理清楚隨詳請委署經督撫委糧驛道何
師儉署事臣於五月十六日交印二十四日起身
至南雄府接閱邸鈔見奉

旨著將任內命審數案審理完結再赴河工臣任內奉
旨查審各案俱已審明經督撫會審

題奏在案新任按察司公元已於南雄相遇臣不敢
無事遲留現在星夜兼程前赴工所惟有矢竭愚

皇上誠益加勉力無欺無隱必慎必勤工程務期堅固
聖恩錢糧勿使浮冒以供厥職求我臣等共戴天
皇上聖謨訓諭俾臣有所遵循庶幾少免隕越除一面
奏前赴河工外爲此繕摺

奏謝伏祈

睿鑒謹

奏

勉之勉之切不可效法汝父瞻徇錮習負朕深恩一者
朕憐其衰老二者觀汝尚可造就爲國家效力之人所
以姑寬已往俾獲倖免不然禍早及身矣設或以汝父

題報外伏念臣一介庸愚蒙

皇上不次擢用五年之內卽畀封疆重任遷轉之速遭
際之隆從古罕有臣家人齎摺回南跪讀

硃批諭旨獎勵逾分又蒙我

皇上天地父母之心憐臣父衰老格外矜全臣之舉家

疊受

皇恩至深至厚雖生生世世永效犬馬實未能仰酬萬
一惟有凜遵

聖諭益加黽勉實心實力自矢愚誠以供職守斷不敢
因循瞻顧有負

聖主訓誨之至意所有臣感激地雖百萬亦難盡述以
天恩微悃理合繕摺仰奉睿覽事茲前官到坐轎其於
奏謝伏祈其密懇懇懇只請入奏上書不勝日為
睿鑒謹不設詞面不手啟求天至家奉聖恩
奏大禮賦重為時時對本界均出土匠時傳與
如此矢志甚好勉力為之以副委任 并願買吏勞令

同日又著著之與八向來承審承審著著著著著著
奏為奏 平人無著著著著著著著著著著著著著著著著

聞事竊查江南為財賦重地清理錢糧最關緊要通省
聖恩積欠甚多久在出納明查想平各案無空無

聖明洞鑒之中臣到任後卽稽查歷年各案虧空贓罰
銀至二百五十餘萬兩糧至數十萬石問之官吏
多以年久無著難於追補爲辭伏思既有虧欠之
人自有著落之處乃向來承審承追督催各官惟
事寬縱承審時任其借端開脫并賄買吏役分認
欠數卸重爲輕卽使本犯供出上司抑勒餽送之
處亦多瞻徇情面不予追求及至定案承追雖有
資產任其寄藏隱匿歲月旣久在上司不過目爲
具文在屬員亦止奉行故事在前官旣坐視其花
銷在後官亦靜聽其沉擱此數百萬之錢糧所以

積欠不清也更有業經追出之贓物上司不速行
催解又被後官侵那復成虧空有入官易價之田
房州縣不卽行轉售仍令本家盤踞私收租息種
種欺隱不可勝言若不徹底澄清誠恐愈久愈難
終無著落臣識見短淺事多未諳似此積欠纍纍
敢云一時可以清理但世受

深恩肩茲重任何敢瞻顧因循仍蹈前轍臣現悉心籌
畫飭行布政司并府州縣官將各案虧空現在著
追之人本身家屬逐一提究或有寄藏隱匿之資
產或有抑勒餽送之上司或有賄買吏役分認之

款項竝已經追出復被侵那之贓物業經入官尚未易價之田房逐一究明分別著落勒限追賠如仍不及數則歷任承審承追督催各官均難免分賠之責庶

國帑不致久懸而貪污咸知警惕矣至於現在各州縣倉庫錢糧有無侵那情弊并司道庫有無未清之項俟盤查另摺奏

聞謹

奏

江蘇吏治民風頹敝已極而錢糧一項積欠纍纍尤屬

混淆鄂爾泰於布政司任內雖少爲整頓緣旬宣之職
旣與督撫有間又莅事未久是以弗克徹底清晰今復
因循數年更不堪過問矣總不得人爲之奈何此原係
第一繁劇之任非秉公破面未易振刷初到地方庶務
紛紜殊難一一指諭且就汝力之所能聚精會神次第
料理漸期就緒不但朕恩不宜辜負以汝青年畢生事
業暨千百載之名譽寧不自惜如欲保全始終惟有於
一切處無欺無隱將純然忠誠之念對越

天地神明置己身利害於度外能如是居心行事自蒙

天

祖鑒察神明錫佑尚不止保全二字而已也須見透守定
爲要

雍正六年十一月初九日署理江蘇巡撫臣尹繼
善謹

奏爲奏

聞事伏惟我

皇上旰食宵衣澄清吏治凡內外大小臣工無不諄諄
訓誨共被陶成復以知府一官管理通郡有察吏安民
之責

特諭各省督撫詳加甄別

臣蒙

聖主隆恩簡畀重任敢不悉心體察以仰副我

皇上任賢使能至意查江蘇所屬七府五州臣到任未

久雖未能深悉據臣現在所見江寧府知府李如

蘭實心任事常州府知府包括歷練老成松江府

知府張文英極有才情但聞好酒任性已屢加申

飭揚州府知府楊繼椿到任未久為人直爽署蘇

州府知府吳江縣知縣徐永祐辦事有才不徇情

面俱堪勝知府之任惟淮安府知府申程章過於

忠厚難以統理鎮江府知府毛德琦雖才情歷練

但未免巧滑俟臣再細加試看遵

是旨具題其直隸知州內太倉州知州翁甫生辦事勤謹

通州知州李世裔雖欠歷練尚堪學習海州知州

李震見過一次徐州知州白潔新任未見俱未深

知邳州知州呂大雅臣在河工時見其辦事明敏

實屬能員前因舊任交代失報蝗蝻經督臣題叅

蒙

聖明洞鑒特加寬免此七府五州之大槩也再按察司

少欠誠實

董永艾辦事老練驛道張暲樞爲人朴實才具平

優品也未免年齒稍邁

常其蘇松糧道馮景夏辦事實心不顧嫌怨淮揚

心術可取

堪稱歷練

望主道白鍾山謹慎明白淮徐道康弘勲才具優長均

或外貌如是耳非係柔軟尚恐伊過剛恃才

堪勝任江寧糧道現署布政使事葛森爲人畧軟

所論是

江常鎮道王之錡短於才情然此二員皆辦事謹

已有旨矣

慎蘇松巡道魏觀辦事糊塗爲人粗鄙合竝就臣

所見據實奏

聞至州縣各官尚未周知現在令該管府道分別賢否

臣一面輪流調驗并加密訪統期矢公矢慎以嚴

舉錯以肅官方謹

奏

秉公察吏甄別賢愚封疆之能事畢矣朕之責任亦不
過擢用汝等數員督撫而已雖然人不易知才難預擬

姑且試用再定高下耳觀汝品評大畧似無忝表率之職朕深幸簡畀不謬勉之

同日又

奏爲請

旨事竊查江蘇地方習尚儇巧民少樸誠拖欠錢糧尤爲積弊臣值此蒞任之初正衆民觀望之時若仍踵舊習姑容取悅則千百萬之舊欠愈難清楚臣是以一面出示徧行曉諭一面行文通飭州縣清查糧冊歸併子戶改正詭名飛灑包攬逐一跟求務使皆得著落欠多之州縣責令該管道府親往

督察分委佐貳協力查比期於徹底澄清但臣愚
以爲有治人斯有治法現在江南州縣能理繁治
劇者十中不過二三其試用人員一切吏治尚未
歷練似此冊籍混淆安望一時清理且通省之內
情勢不同弊端各異無論臣識見短淺不能有畫
一之良法即使立定章程而各州縣才力難勝不
能奉行終歸無益臣晝夜思維計無所出竊查江
南有因公罣誤知縣陳陞誠羅繼洪嚴接江之燁
等四人訪聞素日居官聲名頗好伊等因事進見
聽其言論於人情風土又甚熟諳可否仍留江南

於舊欠不清之處委其協助料理似駕輕就熟可收臂指之用抑臣更有請者現在赴部候補及他省因公呈誤之員其中有辦事歷練精於錢糧者求

皇上飭下廷臣各舉所知揀發二十員來蘇俾臣酌量繁簡分委各處協理倘能將舊欠冊籍查清其候補人員卽行

題補因公呈誤者臣亦據實奏

聞仰邀

聖恩准其開復於江南補用其不實心任事者不時訪

察據實

題叅如此庶任用得人而於錢糧大有裨益謹將陳

陞誠等因公呈誤緣由另摺奏

聞如蒙

恩允求

敕下該部免其回籍以便委用爲此具

奏伏乞

皇上聖鑒施行謹

奏

江蘇積欠爲數太多非汝獨力所能辦理已另有諭旨

殊批諭旨

十

尹繼善

矣

奏同日又

奏爲奏

聞事竊臣荷蒙

聖恩身任地方凡有見聞理應陳

奏不敢稍有欺隱茲於十月二十四日臣衙門稟事

官傳稟有浙江理事同知車柏求見臣思車柏係

現任職官或因浙省差遣至蘇何竝無公文投遞

只有清字一紙又寫車松名字隨即著稟事官查

問原係車松竝非車柏據稱因恐寫出車松名字

被登記人役知道不便故假稱伊堂弟車柏等語
臣因形迹詭詐不令進見查車松係鑲白旗滿洲
原任翰林院檢討後在銅板館行走好交接閒遊
臣在京時見過一面素無來往今不知何事到蘇
又假冒現任職官臣恐其在外多事業已密遣人
尾隨其後看其同行幾人前往何處相見何人所
幹何事將伊行蹤探聽明確另行備細
奏明外合先繕摺奏

聞謹

奏

所奏嘉悅覽之其加意察訪毋忽倘有借端生事處一面羈禁一面題叅無論其有無過犯以旗籍之人任意在外遊蕩卽屬不法之極各省督撫大吏咸肯如是不事瞻徇秉公執法則此種狂妄之徒何敢公行無忌而不斂迹潛蹤耶

雍正六年十二月十一日署理江蘇巡撫臣尹繼

善謹

奏爲恭報得雪日期事竊照江省地方今歲仰賴

皇上福庇大獲有秋禾稼登場之後米價甚平晴雨及時二麥亦皆播種今於十二月初二日蘇州一帶

俱得雪四五分江北至江寧一帶據報於十一月
十七十八日并十二月初二日先後得雪七八分
一寸不等似此嘉祥有兆來歲豐稔可以預卜所
有得雪日期理合恭摺

奏報伏祈

睿鑒謹

奏

今冬北五省皆得盈尺瑞雪矣似此分寸沾濡恐無濟
於事當竭誠修省黽勉吏治務有以感召

天和獲蒙春雨接續方可冀來歲豐登之慶也

同日又

奏爲奏

聞事竊照松江海塘關繫民生蒙

皇上軫恤深恩改建石工萬年利賴臣身任地方當此

鉅工更宜慎重辦理經臣知會浙江督臣李衛署

江南督臣范時繹齊集來蘇公同會商查得從前

工程式樣不妥物料不敷所修多未如式今將一

切應需工料逐款核實不足者加增無益者議裁

斟酌式樣另立章程不敢仍前苟且伏思興修此

等大工總理分任務在得人從前委官僅止六員

一應辦料監工俱令兼任且內有現任地方印官不能朝夕在工從中工匠人等偷減夫工扣剋物料在所難免今奉

旨差通政司叅議俞兆岳前來督工年紀雖老頗能勤慎臣等公同在水利效力人員并同知通判佐貳等官內共挑選得二十員分任責成監工辦料各司其事庶無貽誤現在將議定工料應需費用詳細造冊繕疏具

奏一面委員採辦物料俟物料齊備明年定期興修臣工程未諳一切事宜皆與李衛范時繹悉心商

酌而蘇州去海塘甚近興工之後自當親身查看
竝不時嚴加稽查斷不敢一毫怠忽有誤大工誠
恐上厪

聖懷理合繕摺奏

聞謹

奏

海塘工程緊要極宜盡心辦理諸凡能與李衛和衷協
力可無舛謬之虞矣

同日又

奏爲欽奉

上諭事竊臣前經接到怡親王大學士張廷玉等字寄
奉

旨著臣加意查訊防範日本外洋事宜欽此欽遵臣先
於抵任之初因江南崇明吳淞一帶沿海地方逼
近外洋甚爲緊要卽經留心嚴行沿海將備加意
巡察各處城堡營汛墩臺飭令修整以資防守奉
到

上諭又經密飭沿海隘口加意整頓不時巡哨一切水
師器具修理整齊務使防範嚴密

國威遠播無隙可乘竝不稍露圭角使海隅驚惶至

因於出洋商人往來彼處尤宜留心經浙江督臣李
衛署督臣范時繹並臣會同商酌點立商總八人
江浙兩省各分派四人稽查凡出洋之船令商總
出具保結牙行保甲人等出具甘結合夥商人各
出具連環互結使彼此覺察臣等并酌定稽查條
規飭行沿海地方文武各官及管稅關口編定船
隻大小字號查明人數年貌籍貫檢點出口貨物
驗對本商票照一出入均須查對明確搜檢無
遺如文武各官稽查不力卽行

題叅以示儆戒臣留意查訊彼處消息凡內地商人

去到去原另在土庫居住自來防閑甚密外番之人
謁覽視中華之物新奇可喜往往多方購求從前洋商
謁覽有將書籍象馬杭州畫景及教習弓箭之人帶去
謁覽者皆係貪圖小利罔知禁約浙江督臣李衛所拏
皇上鍾天覲等已在蘇會訊其打造戰船之處尚未確
實總之邊防不可一日不備訪緝不可一日不嚴
臣現在謹遵

諭旨留心訪察加意防範如有應行奏
聞之處卽當密摺具

奏擬俟明春往松江料理海塘之便再往寶山嘉定

奏太倉等處沿海一帶查看情形并各處城堡營汛

開之船隻如有未合機宜或應行添設修整之處逐一

審計斟酌具奏欽此欽遵欽此欽此欽此欽此欽此欽此

奏理合先摺

奏明伏祈

皇上睿鑒謹

奏

覽奏已悉諸凡酌宜料理務以從容不迫爲貴不可虛

張聲勢中華之勝謙奇何喜書書文韞來發前羊商

同日又民五土車風卦自來刈閑甚密伏番之人

奏爲奏

聞事竊照江蘇虧空纍纍積案未清臣抵任後一面具摺奏

聞一面嚴飭各州縣上緊清理三月以來其中一切弊竇亦漸次敗露查確者業經陸續

題叅今奉

旨會同清查之監察御史臣伊拉齊已經到蘇臣知會署督臣范時繹并巡按御史臣戴音保前撫臣陳時夏公同會議查得江蘇本省虧空共二百六十餘萬贓罰等銀共二十餘萬兩米穀等項共五十

餘萬石外省咨追銀共一百七十餘萬兩雖從前
已經查過任所咨追原籍但皆虛應故事原未認
真清理臣等一槩從新查審務將原籍任所產業
資財并隱匿寄頓及上司勒索餽送通同侵蝕等
項逐一究出抵補惟是各案歷年已久朦蔽甚深
又恐州縣各官從前既經失察此後仍然徇隱臣
等公議須派委幹練之員會同該州縣查審務使
毫無遺漏毫無欺隱至於現在倉庫有無虧缺自
應將各州縣錯綜調任清查但江蘇等屬州縣多
半新任且一槩調任恐人地不能相宜事務多致

遺誤臣等公議擇其在任年久者錯綜調任其在任未滿一年者委官盤查其餘甫經到任未經出結并現在員缺候新官到任之州縣卽責令新任官嚴行清查內有糧多未清之處或人不堪諳練恐被前官欺朦者俱委官協查務令將錢糧倉穀徹底查明其有侵欺那移倉穀霉爛捏稱民欠等弊分別

題叅追補但查審虧空清理倉庫均需員委任雖有命往來蘇候補之州縣等官現在各屬出缺甚多需員委署不能分任臣等公同酌議現擬另疏具

題請

旨敕部挑選曾經出仕之候補州縣官二十員并通判同知知府等官十員來蘇分委辦理但恐部內挑選一時未必得人且江省錢穀頭緒紛繁若非熟悉之員恐爲各屬朦混是以臣先將江省因公呈誤諳練錢穀之江之煒羅繼洪嚴接陳陞誠四員具摺

奏請留用今臣等又在廢員內挑選得原任徐州知州張昕原任長洲縣知縣薛仁錫原任奉賢縣知縣張蔭圻原任蕭縣知縣吳大成原任儀徵縣知

縣郭純共五員均堪委用再核算錢糧查對冊籍
皇恩并需員協理令各府州擇佐雜教職中能辦事者
共數十員一并委令協查亦經於疏內

題明臣等若聚集一處仍恐各員因循遲誤今擬督
辦恩同各道府州分地稽察一切事件公同商酌現在
上緊料理俟各該員到蘇陸續分委除會疏具

題外合將會議清查緣由繕摺奏

聞謹

奏

觀所區畫可謂切中肯綮但須揆情酌理爲之固不宜

疎懈亦不宜急迫秉公執法循序辦理

奏同日又

奏爲備陳江南積欠之弊仰祈

睿鑒事竊照江蘇地方歷年積欠錢糧除康熙五十年

以前者均蒙

特恩蠲免自康熙五十一年以後至雍正元年積欠地

丁六百餘萬兩加以漕項等銀共九百餘萬兩仰

沐

皇恩浩蕩分爲十年十二年十五年帶徵爲時甚久民
力甚紆正宜上緊輸將按年完納不意舊欠難清

復有請照新糧均攤之議以爲舊欠之積年旣久
而民間之產業不常或先富後貧無力措辦或產去
賦存懸欠難追不若攤入新糧業戶照數均徵尤
屬衆擎易舉初聞其說似屬爲公再四思維實有
斷斷不可者夫

朝廷立法勸善懲惡大抵欠糧之徒均屬頑梗之輩而
完糧之戶實皆循分之民今以頑戶之抗欠派之
循分之良民何以示勸懲而彰

國法雖此積欠之中原亦有產去糧存貧窮無力難
以著追者然約畧言之至多不過十之三四其餘

大戶之抗玩圖書之包攬吏役之侵蝕花分詭寄
易冊改名弊端百出何得俱云無著如果徹底清
查跟究確實使田歸的戶戶歸正名抗玩者嚴行
究追包侵者不得倖免詭寄花分者不使朦混掩
藏則實欠之數既和盤托出似不難依限完納其
餘實在產去糧存貧窮無力難以著追之項方可
分別確數據實奏

聞但事關重大爲臣子者非分晰至清不敢冒昧入
告而積習已久弊端甚深卽多方設法亦斷不能一時
分晰臣前已具摺

奏請候補及因公呈誤諳練之員協同州縣清查現

在又會同

欽差臣伊拉齊等請發人員查審從前虧空及現在倉庫錢糧一時難以兼顧俟查審稍有頭緒卽分委各員協同州縣將歷年民欠逐一清查料理謹將民欠情由據實奏

聞謹

奏

清理此項積欠朕已確有定見矣趙向奎到蘇傳諭汝等自當備悉也

同日又

奏爲奏明事雍正六年十一月十一日接總漕臣張
大有知會山東濟寧州查拏盜犯情由到臣隨即
飛飭江省附近山東地方文武各官謹密防範如
有彼處盜犯潛往江省協力查拏并密移附近東
省之狼山鎮臣王安國一體知照復委員前往交
界地方探聽星卽具報嗣於十一月二十二日准
總河臣齊蘇勒咨提濟寧案內潛逃盜犯周佳士
臣卽刻差委標下中軍遊擊武進陞密拏該犯先
已藏匿在山爲僧當夜跟追擒獲已解赴河臣衙

皇門收審復查盜犯宋姓有家人李二適自東省回
蘇恐亦係彼處盜犯傳遞消息隨卽密拏并移咨
河臣確查解審再據李二供稱宋五住居山東伊
妻父黃炳莊上是否係原任山東巡撫黃炳之婿
黃炳現在東省亦經咨明河臣就近確究臣謹繕
摺

奏明謹

奏

周佳士當卽拏獲深爲可嘉捕役兵丁人等亟應破格
賜賚以鼓舞將來近年巡捕京營兵弁重賞之下人人

踴躍以故劇盜積窩緝獲者甚多漏網者殊少而一切
要犯率不旋踵就擒此其明驗若吝惜小費則必至貽
誤大事矣所當法之者

同日又

奏爲恭謝

天恩事竊臣父尹泰本閒散之人蒙我

皇上不次擢用拔之泥塗之中置之青雲之上夙夜兢

兢思圖報效奈年已七旬精力不足數年以來錯

誤甚多幸賴

皇上天地父母之心諄諄教誨事事包容且父子兄弟

闔家疊受

殊恩臣之一身尤邀
異數中心感激莫可名言及臣父獲罪蒙

皇上憐念俯

賜矜全第革去職銜已出望外又蒙

聖明洞鑒微情復還原職昨臣父寄信與臣感

皇上再造之恩自愧年迫衰暮恐難仰報深切惴惴勉

臣務竭公忠實心出力臣望

闕叩謝感愧交并伏念臣父子受

恩至此即使糜頂捐踵亦不過職分當然難云報稱惟

願生生世世永效犬馬微勞以仰酬
高厚於萬一耳爲此恭謝
天恩謹

奏

汝父原無罪譴何所用其寬宥朕從不枉法寬人亦不
違法宥人若濫以使過之仁歸美於朕則恥而不居公
平二字實可質諸

天日也

雍正七年正月二十五日署理江蘇巡撫臣尹繼

善謹

奏爲奏

聞事竊臣於本年正月初間聞得河臣齊蘇勒患病當
即差員前往看問據差員回蘇稟稱病勢漸重現
臥牀褥已近二旬河務緊要臣正在繕摺奏

聞於二十四日又准河臣齊蘇勒咨會已將患病緣由
具

奏并奏明將總督河道印務咨臣赴工接署查河工
修防機宜刻不容緩今臣於二十五日起程星夜
趕赴工所暫行料理俾河臣得以安靜調攝除將
起程日期并到工接印緣由另疏

題報外謹繕摺奏

聞抑臣更有請者臣任內巡撫事務俱帶往河工儘力
辦理但通省現在審追虧空清查民欠修築海塘
奏一切事務繁多河務又須隨時調度方無貽誤誠
恐河臣一時不能痊愈臣才識短淺勢難兼顧理

合一併

奏請

聖鑒臣無任激切待問
命之至謹

奏

覽奏起程前赴河工情由知道了已有旨矣

同日又

奏爲請

旨敕部議處事竊臣才識短淺事多錯誤去年十二月間據革任按察使董永艾將揚州商人安瑞成僕婦程氏夫婦命案審供詳揭請叅并請提安瑞成等質審前來經臣據詳具

題在案今臣接到部咨伏讀

上諭始知其中多屈抑情節董永艾似此營私煅煉顛倒是非不能詳察冒昧具

題罪實難追除將此案人犯遵

旨解部審理外臣謹恭摺具

奏伏乞

皇上敕部將臣一併嚴加議處臣無任惶悚之至謹

奏

此事於汝毫無干涉人命案件既經臬司詳揭安得不
據情具奏也

雍正七年二月十二日署理江蘇巡撫臣尹繼善

謹

奏爲奏

聞事竊臣先因總河臣齊蘇勒患病咨臣赴工署印河防緊要不敢遲誤隨即起程將巡撫事務帶往工所辦理一面具摺

奏明嗣於途中聞河臣於正月二十日病故臣趕赴工所於二月初八日接印署事業經另疏

題報其一切修守事宜俱備細體訪加意咨詢悉照齊蘇勒現行成規辦理并恐各河員因河臣患病乘此有偷減怠玩之弊現在委員分頭查點各工料物各處工程轉瞬卽屆桃汛務使上緊修防以資捍禦惟是臣以庸愚當茲任大責重不勝悚懼

能見至河臣齊蘇勒在工經理以來加意河防實心爲

國可敬可法臣奉

旨克盡友誼甚善如此方是

奏

聞謹

奏

龜勉從事敬慎爲之河工修守機宜關繫匪輕惟確秉忠勤之志兼祈

天

神佑助方可期底定之效齊藉懌惠詠容引快工署叩祈

雍正七年三月初三日蘇州巡撫署理總督河道

仍協辦巡撫事臣尹繼善謹工野恭摺聖固鈐璽

聖奏爲恭謝 天恩事竊臣接准部咨奉 旨命臣補授蘇州巡撫署理總督河道印務仍協辦巡

撫事欽此欽遵移咨到臣隨望 闕叩頭謝

恩恭疏具

題又接大學士張廷玉等敬錄

諭旨寄信與臣伏念臣才識庸愚荷蒙

殊批諭旨

尹繼善

尹繼善

尹繼善

尹繼善

尹繼善

聖恩簡畀封疆重任雖夙夜兢兢勉圖報效毫無片長

賜足錄仰答士貳戎王等

高深又蒙

恩實授巡撫署理河道總督復慮臣初膺重寄未諳工

程示以遵守成規勉以細心採訪恐拘文牽義而

盡信書本之言恐輕事更張而妄聽無稽之論

特頒密旨教誨諄諄臣跪讀之下感懼彌深惟有仰遵

聖訓恪守前河臣齊蘇勒之成規日與淮揚道白鍾山

等悉心商酌竊以治河之道工程務期堅固錢糧

物料

尤須預行辦積

務歸實用先事宜土緊修防臨時必相機保護而

其要總在於用人之得宜臣到任後日向各工員
廣宣

聖意殷殷戒飭卽效力各官必一一驗看挑選誠實可
用者催儻工程盤查物料以領帑修工專責之廳
員而料物到工之數目工程現修之丈尺俱令汛
官月報以憑稽查臣目下將所積案牘上緊清理
卽輕騎減從帶諳練工程之人自安東以至徐州
黃運兩河界限正在交發廷臣會議其歸南歸北之處
尚未確定先查黃河兩岸次由運河一路查勘以至濟寧閱
視本標營伍至於河工習氣相沿已久稍有一念
懈弛卽起無窮弊竇其可寬之過臣斷不刻意吹

求若修工者偷減錢糧草率塞責查工者仍然索取規禮一味朦朧亦必不肯苟且姑容以滋怠玩應嚴叅示懲其河庫及各廳錢糧恐有虧空情弊亦現在清查所有感激微忱理合繕摺恭謝

天恩謹

奏

所奏嘉悅覽之孔毓珣到任爲期尚早母因暫署率忽從事務須竭力整飭以副委任齊蘇勒之治河精勤允當可謂盡美盡善纖毫無庸改張若伊之察吏則未免過於寬厚要當加意甄別況孔毓珣又係偏於善柔之

人倘此際不力爲振刷因循日久委靡更甚將來必至
有掣肘之虞矣卽伊到任後仍命汝協理切勿少懷推
卸之念

同日又

奏爲奏

聞事雍正七年二月二十七日署巡撫臣王璣到清江
浦臣卽於是日交印已經另疏

題報署撫臣口傳

訓旨令臣等和衷共濟竝教臣於河工事務小心辦理
用人期於慎重寬嚴在乎得宜雖父母愛子之心

無所不至亦未有如此之諄詳懇切也臣受
恩深重自愧駑駘難以稱職凡見聞所及心力所到務
與署撫臣同心協力共效公忠臣任內經手一切
吏治民生地方利弊恐署撫臣新到不能詳悉皆
備細告知雖相聚二日已皆仰遵
聖訓諸凡商酌開心見誠無分彼此嗣後一切緊要事
件仍公同酌議舉行臣自思年少無知蒙

皇恩如此委任諸事不敢稍有推諉苟且畏難亦不敢
妄立意見互相掣肘惟有不揣力量上緊料理以
期稍竭犬馬報效之心臣謹將會見署撫臣王璣

聖明敬領
諭旨欽遵緣由繕摺奏

聞仰祈

睿鑒謹

奏

王璣頗屬聰明諒汝等自當和衷共濟天下未有公而
不和之理凡共事而至於乖異則二人中必有一私不
勝公者勢不得不相水火也

同日又

奏爲奏明事案照江省蘇郡後幫千總杜弘昌督押

奏旗丁丁能調等五十九船領兌蘇州府元和縣雍正四年分漕糧勒索銀兩一案據按察司將五十九船旗丁并駕船舵工水手人等一併問擬徒杖所得銀兩照數斷追招解前來臣查各船旗丁給以屯衛地畝養贍家口領運北上又有五米十銀等項以資沿途用度原不應向州縣分外苛求惟查各丁管駕漕船雇覓舵工水手置買篷桅以及交納茶菓等項通算實有不敷況從前赴淮盤驗俱有費用現奉

聖明鑒照差御史臣前來稽察是從前旗丁之領運原

奏不無浮費也前任布政司鄂爾泰任內曾經議定
每州縣每石漕糧收銀六分幫給旗丁每船銀二
十兩餘爲修倉運脚之需是各州縣原有收漕羨
餘應行幫貼旗丁之項不過丁能調等勒索太多
耳今若俱作贓銀槩行擬追於情法似屬未當但
此項幫貼原係私議若將緣由敘入本內一經
題明便爲成例恐各旗丁藉此以長刁風各州縣因
之以增重耗又有未便臣是以於看內將旗丁向
來幫貼之項并各項零星銀兩另行斟酌措詞議
請免追其餘多索銀兩仍照追入官再查各旗丁

勒索銀兩雖係五十九船管船旗丁并各船舵工
水手分用但出名勒索者實止頭船丁能調等四
人臣愚以爲

朝廷立法懲一儆百此案惟應將爲首爲從數人重治
其罪使嗣後各旗丁咸知畏懼其未經親往勒索
之船丁及各船舵工水手無知窮民似應槩請從

寬以廣

如是處斷可謂得折中之道

皇仁除逐一分別定議具

題外理合將案內實情繕摺

奏明再查州縣徵收漕糧每石收銀六分以爲幫貼

旗丁并修倉運脚之需臣去年抵任後卽值收漕
隨據各州縣稟明前來臣初到地方未能深悉其
中利弊過寬恐苦累百姓過嚴又恐苦累旗丁是
以未敢率定仍照舊徵收幫貼惟嚴加稽察不時
差人密訪雖斛面較往年畧減而州縣之所收仍
不止六分旗丁之需索仍不止二十兩而各屬州
縣并各旗丁俱彼此相安臣看此一年光景頗知
大槩而現在過淮使費又奉

旨查禁漕弊漸清臣當與署撫臣公同斟酌嗣後務使
旗丁不致額外需索各州縣亦不許額外多收庶

官民兩便均沐需索谷帛襦衣不背時俗

皇仁於無既矣謹

奏大梁而與

兌漕利病朕早洞悉情形既因張大有罷軟無能又兼歷任巡撫皆係沽名釣譽之輩所以未經飭令清釐此事須撫臣與漕督通盤查確徹底講明務俾旂丁無賠累之苦百姓免勒索之患方可永久循行昨趙向奎陛見時論奏及此甚屬明晰待新任漕臣性桂抵任後汝等詳籌熟計合於至當而行卽倉場二臣亦當與之商妥揆諸情理之中除却偏枯之弊於以立定成規縱使

有一二刁徒欲逞故智亦無所施其伎倆矣勉爲之

雍正七年四月十二日蘇州巡撫協理河工事務

臣尹繼善謹

奏爲奏

聞事竊查今春桃汛水勢仰賴

皇上福庇各處安瀾工程保固業經恭疏

題報且雨水調勻於三月十二四月初四等日俱得

甘霖霑足二麥茂盛綠穗盈疇四野歡騰共慶豐
如此等縱肆之言何可輕出諸口由是觀之汝乃全不
收可以必臣於交送撫印後接奉

知敬諭旨令浙江總督李衛等會同臣確議戰船一事不及

殊批諭旨

三

尹繼善

天畏神

之人也戒之戒之

卽往遠處適西柱於三月十六日自閩回工先令
往各工查看今李衛祖秉衡到清江浦已將戰船
會議具

題訖臣於四月十七日卽前往安東以至徐州一帶
查看工程督率修防點驗河兵盤查料物其去年
歲搶修工程用過錢糧例應今年四月內請銷但
事關錢糧重大臣未經親勘明確不敢冒昧草率
雖去年做過工程已經桃伏秋三汛現在丈尺難
爲確據然其大槩規模尚可約計容臣逐工確看
回日卽核明次第請銷除另疏

題明外理合繕摺奏

聞謹

奏

錢糧猶屬小事工程所係重大當以全副精力籌畫備禦毋因養指而失其肩背也朕因時屆伏汛念茲在茲汝膺專責尤宜警凜惟辦一誠祈

天籲

神庶冀淮黃奠定運道民生克保無虞至如天然壩之啓閉全河樞紐攸關一一遵循齊蘇勒舊規不可誤信謬論輕率更張脫至意外蹉跌汝罪擢髮難數矣元年以

來河工局勢敝壞已極齊蘇勒於三載之內整頓完全
若非實能憂勤匪懈寧邀

河靈默助成功耶今縱有超越識見詎便鹵莽施措亦須
先將通身利病周詳審度奏明於朕然後相機擇時舉
行耳譬之作文於詞賦中忽夾對股時文成何體段凡
天下事必有確乎不拔之志屹然不動之守方可迄於
有成倘稍涉狐疑不定必致進退兩難前後俱失莫能
收束矣勉之慎之

同日又

奏爲奏明事竊思河工錢糧所關甚重臣署事以來

將新舊錢糧加意稽察逐項清理如已經咨題有
案虧空合計銀三十餘萬歷年久遠完解無幾若
再不查追歸結愈久愈無著落臣已經飭令淮徐
淮揚二道徹底清查亦如江蘇各案一體辦理又
有已經發覺數年尚未叅出虧空約計銀三萬有
餘或係未繳節省或係應追核減或係拖欠柴價
認還借欠等項原非真正侵蝕可比是以前河臣
齊蘇勒未經題叅但究屬帑項虛懸未便日久沉
擱現在行該道等令其勒限催比如逾期不完卽
行叅追至於各屬經手錢糧有無虧缺先經臣

奏明委員盤查今據各員盤查造冊到臣計其存庫
款項收領銀數應銷工程并在工物料細細核算
其中頗有缺少有稱發銀購料者有稱於去年霜
降後修工動用者竝有稱前任交代原無現銀向
以料船房田等項流抵者種種遮掩情弊百出但
河工局面與地方州縣稍異臣若據冊卽行
題叅而本年錢糧工程業已經手一旦半途更換貽
誤實多臣是以姑從寬緩如稱辦料者卽委員查
其何處購買押送到工如稱做工動用者卽查其
係某段工程高寬丈尺與所用之料是否相符如

銀兩畧有那移查後自行補足臣亦不復苛求倘
查出從前虧空實據自當嚴叅究處懲一儆百伏
念河工責任重大以臣之愚昧卽竭力殫心尚不
能報效萬一又何忍以暫時署理稍爲推卸惟有
事無大小經手辦理必逐一用心於遵守成規之
中斷不敢存苟且因循之念理合據實

奏明謹

奏

如此方是秉公殫力爲之若少涉推卸孔毓珣到任後
一一奏出汝何顏對朕耶河員旣與地方有司不同自

不應遽列彈章但將諸凡情弊徹底查清姑容補足予以自新之路亦不得謂爲苛刻矣
題補南河効力人員一摺所奏甚是已交部議

雍正七年五月二十九日蘇州巡撫協理河工事務臣尹繼善謹

奏爲恭報二麥收成分數事竊照今春雨暘時若先經臣將麥苗茂盛緣由繕摺

奏明今臣赴淮安徐州邳州所屬一帶地方看工正值二麥收穫之期詢之農民俱稱收成有八九分不等并據江寧蘇松等處各報稱有八九十分不

等目下米價甚平中米八錢八九分至九錢五六分不等上米亦不出一兩一錢四五分兩月內雨水調勻理合一併奏

聞謹

奏

覽奏二麥收成分數知道了至於禾稼目前雨澤雖調秋成尚早何敢預期加勉誠慎以敬迓

天庥可也

同日又

奏爲奏

硃批諭旨

具

尹繼善

聞事竊臣自四月十七日由山安桃源至徐州一帶查
工不惟於歷練河務之員隨時講究卽向河兵野
老亦必虛懷詢問博加採訪每到一工尋其源流
量其形勢分其緩急宜鑲墊者鑲墊宜增修者增
修宜加高培厚者加高培厚埽壩堤工已皆一律
完整一年之工多半在於桃汎此時若不細加查
看伏水一長已做者無可考據將來勢必冒銷臣
步履河干逐段丈量不使少有朦混各處工所謹
遵

皇上訓誨多備物料不足者發銀購辦疲玩者委員監

催於足用之外仍行多備俱於五月半前陸續運
奏工又令汛守各官督責兵夫於各工堤岸多積土
牛以備不時之需至河員無論文武修防是其專
責乃文官多任意偷安竟有一兩月不到工者臣
不分文武俱專責成將本工事宜必一一盤問其
有漫不經心竝在地方多事者已經分別責懲斥
革俾知踴躍赴工以期同心共濟然工程之督率
固在官員而河干之力作全賴兵目臣逐名點驗
竝查其怠惰老弱者革除另募稍有辦事勤慎明
白工程者必加獎賞以示鼓勵再伏汛在邇若不

通盤計算先期籌畫必致臨事周章因派定諸練
之備弁分守大工熟習之兵目調換要汛能事之
效力官分地防險臣率同各員敬慎小心往來督
查不敢一毫怠忽有曠職守上廛
聖懷但河工修守機宜其理甚微臣初任未諳雖勉力
料理實心懷惴惴用敢備細陳

奏伏祈

皇上指示俾臣有所遵循謹

奏

嘉悅覽之能如是虛懷詢訪悉心措畫可謂不負朕之

任用矣然河王之事人力固宜克盡而安瀾順軌全賴
天地神明之陰相默祐也果能必敬必誠則平穩可保汝
其勉旃

同日又

奏爲敬承

聖訓恭摺

奏謝事本年五月二十日臣齋摺家人回南奉到

硃批諭旨訓誨諄諄跪領之下竊念臣才識庸愚蒙

聖主高厚之恩簡署重任敎以恪守成規小心敬畏提

撕誘掖至再至三數月以來事無大小無不凜遵

硃批諭旨

三

尹繼善

聖訓黽勉步趨自愧質本駑駘雖率由成法尚竭蹶不
遑不但不敢少萌更張之心亦實無所用其更張
和鼎之事卽或應有隨時措置亦必恭請
皇上指示然後遵行竝不敢妄聽人言私立意見臣正
在繕摺

奏謝間適浙江總督臣李衛過清江浦恭傳

諭旨敕臣敬謹辦事其天然壩之啓閉暫依舊規辦理
又告臣曾面奏黃河水淺等語伏思

皇上聰明睿知
聖學高深凡平成之方畧河道之情形前河臣數載之

運籌與現在李衛之議論其是非得失無一不在
聖明洞鑒之中何庸臣之瑣瀆但河工事重誠恐上厪
聖懷有不敢不據實敷陳者夫治河之道不在水之淺
與不淺只在底之深與不深而欲知河底之淺深
又視兩岸埽工出水之多寡數年以來仰賴

上天默佑又蒙

指示周詳前河臣齊蘇勒恪遵經理河由地中一律深
暢今春桃汛以後水勢平穩比常年五月小三四
尺臣逐細探量大溜之處水深二丈以外其餘或
以手加額忻悅覽焉
丈餘至二丈不等兩岸埽高出水一丈有餘處處

河底深通竝無淤墊共見共知此現在水勢情形
乃不知底深而岸高反以水小爲河淺此誠不諳
河務之論也至於天然壩之啓閉關全河之大局
胸中具此確見朕復何憂
此千古治河之要訣我

皇上一言備之矣竊查淮水東注歸洪澤湖北出清口
與黃相會其所以敵黃者在清口瀦湖水以蓄其
勢者在高堰堤工惟恐湖水過多泛漲故留天然
壩以爲宣洩之路使當啓而閉則湖水過盛勢必
大堤受險且運道難以容受使當閉而啓其高郵
寶應下流一帶民田受水猶屬小事第恐消洩太

過湖水一弱難以敵黃關係甚重所以天然壩之
啓閉惟視乎湖水之大小此分其輕重權其緩急
數十年來不易之成規卽局外者或有議論臣雖
嘉之至愚昧亦斷不敢輕於聽信者也臣才疎任重夙夜
兢兢惟時時小心敬慎事事恪守成規凜遵

訓誨之精詳以求少慰

聖懷於萬一所有奉到

諭旨理合繕摺恭

謝伏祈

睿鑒謹

硃批諭旨

罕

尹繼善

硃批諭旨

罕

尹繼善

奏

覽奏嘉與之懷筆難宣諭朕但爲國家慶得人而已勉之

雍正七年七月初十日蘇州巡撫協理河工事務
臣尹繼善謹

奏爲敬陳水勢情形事竊臣於六月十一日前往揚
州瓜洲一帶查勘工程隨路探量運河水勢不大
不小通身暢流兩岸閘洞皆分先後緩急相機啓
閉使民間田畝得以灌溉亦不令運道消洩過多
瓜洲江工因江中正人洲長後十數年來汕刷北

岸雖江水平穩但花園港壩工離瓜城甚近頗爲

岸雖江水平穩但花園港壩工離瓜城甚近頗爲
險要臣住宿二日相機調度督率下埽簽樁并調
諳練工程之員悉心商酌令協同該廳併力修防
加意保護於二十二日回清江浦黃河水勢隨長
隨消消長皆不出數寸漸而不猛雖比五月間較
長尺餘比常年尚小二尺工程處處平穩惟洪澤
湖水尚未長發天然壩且無庸開放目下伏汛已
過河水安瀾實仰賴我

聖主至誠感孚是以

神明眷佑臣身任宣防心懷敬惕秋汛在邇何敢一

硃批諭旨

聖

尹繼善

硃批諭旨

聖

尹繼善

刻偷安一念怠肆惟有愈加敬謹慎終如始以求
勉盡職守現在各廳料物堆積二三十萬四五十
萬不等俱已充足臣時時仰遵

聖訓務期多備但發銀過多又恐其那用一時料物不
到更費周章今年料物甚賤臣令各廳先量力購
辦如到工料物既多委員驗收然後發銀則帑銀
不得虧缺而料物源源接續俟秋汛平穩其多餘
者可留作來年之用臣卽往高堰山旴一帶查看
洪湖工程先將水勢情形據實奏

聞謹

奏

朕懷暫慰必待霜降後方敢全釋也敬之愼之切勿稍涉矜肆今夏各省缺雨處頗多上流涓細河水自應安瀾秋汛恐非伏汛可比當確秉虔誠以祈

神明祐助

同日又

奏爲請

旨事竊查前河臣齊蘇勒因黃運兩河堤工緊要請嗣後堤頂民房如遇傾圮一槩禁止重修令其移居高隙之處以免作踐堤工經部議准轉行欽遵在

案及署撫臣王璣到清江浦又傳

諭旨命臣於堤上民房一事妥協辦理仰見我

皇上愛民如子惟恐一夫不得其所以安土重遷不忍
催迫直待房屋傾圮方令移居仍恐臣等奉行不
善或至擾累復令悉心籌畫此誠

恩周蔀屋澤遍茅簷矣臣仰遵

聖訓時刻留心查工時遍歷河干見黃運兩岸堤上居
民不下數萬餘家稠密之處比屋相連長至數里
其上下往來實不無少有踐踏但臣細查堤上之
民竝非擇地而居也原因卑下之地積水恒多高

阜之田有主管業不得已而向長堤托處子孫相傳安居樂業者已非一日若少有損缺卽不准修葺勢必擾累窮黎殊非仰體我

皇上愛養元元之至意若待其房屋傾圯然後禁止重修小民樂於便安明知傾圯之後便需遷移勢必隨時粘補百計支撐是民房常見完整而官堤無人愛惜雖歲費無數之金錢終不足以供無窮之作踐也臣愚以爲嗣後堤工或大有衝刷之處仍動帑興修外其餘民房左右或稍有殘缺於農事已畢之時卽勸率居民各行墊補仍略爲培植此

不過一舉手之勞而堤日見其高厚民仍見其安
堵雖平素少有作踐而年年漸次增培在窮民得
地而居而微勞竝非苦累如蒙

恩俞允臣當仰體

聖心遍示曉諭使小民知給求養欲實

聖天子覆載之恩竝知奉上急公卽保守室家之道似

於河道民生均爲兩便臣識見淺陋是否有當仰

懇

聖鑒指示以便遵行謹

奏

此非輕率可定之事據奏小民樂於便安云云等語俟
朕廣諮博採詳細思維得有主見後降旨示汝方可通
行曉諭永久遵行茲且密之不宜宣露

同日又

奏爲欽奉

上諭事竊臣接淮部咨欽奉

諭旨以泗州虹縣等五州縣新淤之地從前委員辦理
草率所報之數未盡確實或至賦浮於田令臣會同
范時繹再加確勘據實陳奏欽此仰見我

皇上惠愛黎民至意臣隨咨會督臣并檢齊從前查丈

冊籍詳悉察核現在挑選辦事細心之員令其分
往泗虹等處會同州縣官相度地勢體訪輿情核
對原糧科則備查新墾坐落分別黃水經由處所
先行確勘繪圖造冊申送臣乘秋汎赴宿虹邳睢
桃源一帶看工之便再親往查丈其實在淤地不
肯任其遺漏如原非新淤亦不敢稍爲牽扯倘雖
非新淤或舊有欺隱情弊亦必另行分晰務期竭
力料理不敢復有草率統俟查丈明確備細奏

聞所有奉到

諭旨辦理緣由理合繕摺具

奏伏祈

皇上睿鑒謹

奏

田賦重務切須查丈清晰據實具奏以聞

同日又

奏爲奏

聞事竊照淮北一帶向有山東河南傍梟私販因夥衆
力強兵役明知不敢擒拏往往私販成羣肆行無
忌臣至淮上卽飭行各屬文武官員留心察訪如
有梟販經由卽刻稟報以便撥兵協力擒拏於本

年六月初三日有積梟王祿安張二王四海胡美
公劉貴李同等聚衆興販清河縣知縣李必成帶
同典史汎弁率領兵役前往擒拏已獲梟夥八人
復於柳園中突出多梟刼去夥犯兵役併力抵敵
致被扎斃兵丁姜必陳據該縣稟報到臣臣卽當
夜差淮安城守營叅將烏麗珠等帶兵追擒伊等
聞追緊急捨棄私鹽分路潛逸隨密差員役查訪
各梟下落訪得梟犯葛順家住清江不遠料其來
家隨令裏河同知夏建德密差幹役伏於左右附
近地方次日夜間果獲王祿安使來探信之夥梟

葛亮吳七竝素曾同夥之朱六等供出王祿安等
已潛赴上江之盱眙定遠等處臣復選差能員幹
役帶同朱六等作眼懸以重賞分往各處緝捕仍
一面咨明督臣飭上江一體嚴拏隨於定遠縣地
方拏獲首梟王祿安臨淮縣地方拏獲王四海張
二盱眙縣地方拏獲楊三趙林等寶應縣地方拏
獲李同又劉貴竝同夥徐姓自料不能漏網隨到
江寧投首又陸續拏獲是日不在場之積梟十餘
人俱現在發司審訊嚴行定擬臣身任地方似此
大夥私梟未能盡息疎忽之咎實所難辭除被傷

兵丁及緝梟兵役分別給賞外謹將拒捕及拏獲
情由據實奏

聞謹

奏

此事朕早聞之羣梟拒捕肆無忌憚法紀何在要當緝
獲正犯重懲示儆倘以別案私梟逼勒供認希圖了事
則爲無恥之甚矣試思地方大吏如果平時嚴明素著
縱有姦頑之徒何敢如是強橫事後但以疎忽之咎實
所難辭一語奏覆遂可以邀朕心之原恕乎其將已獲
者審明定擬未獲者盡數擒拏不致一名漏網庶或少

遮汝面之慚耳

雍正七年閏七月初九日蘇州巡撫協理河工事

務臣尹繼善謹

奏為敬陳秋水情形仰慰

聖懷事竊照今歲荷蒙

皇上福庇伏汎安瀾已經恭疏

題報在案秋來水勢愈加平穩處處埽壩堅固隄工

完整料物充足無煩上厪

初覽至此不覺心為之悸夫全河扼要正在於斯淮強
宸衷惟七月二十間湖水微弱黃河稍強回溜浮沙乘
則為治淮弱則為敝若黃水過盛至於倒灌則其害可
風竝入臣惟恐淤墊運道日夜焦思隨疏通上源

勝言耶幸賴

神明

默佑

使水無阻滯力濬清口使溜急沙行更於束水壩

何慶

之北建挑水壩使黃流順注百計經營不遺餘力

宜宜

雖清水稍蓄而黃水相抵數日終未暢流竊念臣

畧

謬膺重寄識淺才疎卽一事失宜自愧宣防曠職

仰賴我

皇上宵衣旰食敬

天勤民

至德感孚定荷

如此方可言祈禱也汝知感格之本矣朕

深爲嘉與

神明眷助因省過齋心竭誠祭告祈禱之夜卽大雨

通宵清水陡長通身暢流抵禦黃波循軌東注運

道中已徹底澄清浮沙全去現在黃水日消清水
日長黃河埽高出水至少者五六尺運河水勢至
淺者丈餘是從前黃強淮弱既免淮黃竝漲之虞
目下黃弱淮強又無浮沙淤滯之患緩急相宜實
爲河工美事此竝非臣一念愚誠卽能昭格實我
聖主盛德之至有以潛通益信

盛德亦何所藉而潛通也

天人感召捷於影響我

皇上諄諄教誨謂宜誠敬以迓

天和實歷歷其不爽也雖白露在邇水勢漸平然一念之
幸喜卽足以起百念之懈弛臣惟有兢業存心慎

終如始表率各屬愈加勉勵以求仰慰

聖心於萬一耳所有水勢情形據實奏

聞謹

奏

天人之際有感必應其理顯而易見凡庸之流或昧理妄求以徇己欲則亦漠然弗應一不應遂以蒼蒼者爲無靈而渺茫視之矣夫始以邀福之心繼以不信之見則亦何所不至故曰小人而無忌憚也然信生於誠誠者無私之謂卽聖賢克己復禮之功果誠矣信矣凡興一役舉一事必先盡其心殫其力謀之人聽之天而後冀

有成功能如是將見人事盡於下
天道感於上不期其應而自無不應矣如但知人力爲可
恃及徒事祈禱以僥倖者皆井蛙籬鷄之淺見狹識均
無足取天下事無論鉅細莫不皆然汝其勉之敬之試
體驗之

同日又

奏爲奏

聞事浙江總督臣李衛回浙寄信恭傳

諭旨海塘工程緊要令臣等上緊料理不可仍前草率
欽此仰見我

皇上保赤心誠務使一勞永逸之至意伏思松江海塘縱不為國計亦當為身計即不惜百姓田廬亦當顧朕

顏面邇來欺君誤民輩俱獲報不爽乃三年內事也前

車之鑒從前之失必圖萬全之計悉心籌畫竭力經營

但此帶塘工計長四千數百餘丈需石二十八萬

六千餘丈不難於興工修築而難於採取石料去

年會議之後臣隨委多員往各山採辦正值水凍

之期不能採鑿至二月春融開採以後差檄交催

此論不遺餘力據各員紛紛具稟以此番所採石料務

在寬大合式不比從前短小條石易於採辦故一

大小之分也一時難以多得是何言歟凡遇斯等詭譎

時難以多得臣猶恐各員借端怠緩差員前往各

之辭當卽面斥其非方不被屬員之所輕蔑見理不明
爲人抑猶屬小事於以開納詐之門矣可不慎諸
往浙江山宕竝宜興等處募匠開採連前所開共

有八處山宕將來石料自可源源運工已令俞兆

待言但樁簽土內其弊難稽汝身不能赴塘須頻遣老

成員弁不時來往察視以防欺蔽至云工程不圖速成

甚是然亦不可任其怠緩仍應酌量督催
教導總期工程永固不敢冀圖速成草率完事臣

雖遠在淮北荷蒙

聖主委任深恩從未以鞭長莫及稍爲卸責凡有片刻
知必蒙餘暇必盡心經畫而署撫司道諸臣相離塘工較

上蒼鑒照也勉之

近見聞尤易呼應更靈臣是以移咨檄飭殆無虛

日以冀同心協力相與有成誠恐上厪

聖懷理合繕摺奏

聞再遠近居民聞

皇恩發帑為百姓謀安全為萬世計利賴莫不歡欣鼓

舞感戴

聖明而松江一府逼近海濱尤為踴躍聞有情願捐助

捐助二字朕甚不喜其中弊端難以枚舉鄉官巨室有

工程仍自備資糧在工效力者思塘工事務若

願捐者亦當開列奏請得旨後方令從事若謂居民踴

躍捐力捐資斷斷不可從前屢次降諭甚明所當再四

躍捐力捐資斷斷不可從前屢次降諭甚明所當再四

料理俟其具呈到日臣當咨會署督撫臣公同商

斟酌者

酌如事在可行另當會

題請

旨合先具摺

奏明謹

奏

覽

雍正七年九月初六日蘇州巡撫協理河工事務

臣尹繼善謹

奏為敬陳秋汛安瀾事竊臣前因伏汛平穩具摺陳

奏欽奉

硃批諭旨

至

尹繼善

皇上硃批

訓誨夙夜兢兢勉勵各屬交相儆惕於各工多備料物
多積土牛河灘產草甚多約得三四百萬束用以
鑲墊工程勝於秫秸且近在工所緩急便用臣已
遍發刀工令其全數搜採源源濟工又恐各工汎
地綿長汎員不能兼顧兵丁未免偷安因分派效
力人員按工防險以備秋汎自閏七月十五日以
後寧夏連報秋水陡長至八月初旬黃水驟大比
伏汎高四五尺臣當此際寢食俱廢夢寐皆驚住
宿工所上下接應分委能員晝夜往來巡查搶護

幸料物有餘水勢逐日加長而工程亦逐日增高
尤仰蒙

聖明指示恐秋水加大今年天然壩總未開放以故淮
水勢均力敵雖淮黃交會之處清水阻滯數日不
能暢刷黃流而黃流被清水抵禦亦不能涓滴入
運仰賴

神明默祐

聖主福庇於八月二十後黃水退消十日之內漸消三
四尺工程處處平穩湖水比去年大二尺現在逐
日加長運道清口通深暢流今時值霜降水勢安

瀾敢謂幸保無虞稍萌肆志第念臣愚魯無能仰
蒙我

皇上提撕誘掖教誨諄諄諸事敬謹遵循庶幾少免隕
越臣不勝惶悚戰慄感激

天恩之至臣現在起程查看宿桃邳睢工程隨往徐州
謹

奏

欣悅覽焉今歲朕之憂慮河工倍於往昔茲秋汛已過
全河幸保無虞皆爾忠誠之念有以感召

神明默佑之所致也孔毓珣不日南來汝職雖協理每得

私毫推卸倘孔毓珣弗肯殫心竭力涉於瞻顧因循汝其進言規勸并一一據實奏聞

同日又

奏爲奏明事竊惟河道工程關係甚重河工錢糧難容虧缺查有各項虧空年久未叅者甚多一面勒限嚴催經臣繕摺

奏明俟逾限不完卽行叅追隨又逐案細核通計未叅虧空銀八萬兩有奇或係核減或係節省或係認還借欠或係蕩柴價值因從前未經叅追承追者視非部案不肯上緊而虧空人員亦遂任意捱

延以致數十年積案纍纍不能清結臣查此等銀兩雖與實在侵蝕者不同但總係庫帑虛懸豈容怠玩且細加察訪多係有著之項因竭力查催自二月至今已陸續完過銀四萬餘兩尚有四萬餘兩未經完補而各員視爲未破之項有觀望因循不肯上緊者有本人早已陞遷他往者且有家口已經回籍者若不

題明定限行催終久必致無著臣現在具疏

題叅請勒限一年追完如再不完卽革職離任究追嚴查產業抵補再從前已叅各案虧空臣到任後

追補過銀一萬二千餘兩查出田房等項約值銀一萬數千兩咨查各處原籍家產尚未覆齊現在逐案辦理亦照江省虧空一體清查至於各廳歷年庫貯除桃源廳張充國署山盱廳鈕天麟虧空銀兩業已特疏

題叅究追外其餘委員徹底盤查已漸次清楚又責令淮徐淮揚二道逐一清盤不使徇隱臣蒙

皇恩委畀重任惟事事均期實在不敢一毫苟且上負高深理合繕摺

奏明謹

奏

可嘉之至但能一無瞻徇秉公執法何事弗克辦集也
如是居心豈止被朕獎許必蒙
上天之庇佑矣勉之勉之

同日又

奏爲恭報秋成事竊查今歲江南地方風雨調和四
境大熟各種齊收連年共慶豐登今歲秋成更稔
現在米糧價值每石六錢至八錢不等比戶盈寧
羣黎樂業此皆我

皇上敬

天勤民至誠感孚之所致也臣身膺民社職任宣防仰賴
聖主福庇淮黃奠定百穀用成臣無任歡忭之至茲據
各州縣具報前來臣細晰府州分數另行開摺恭

呈

御覽伏祈

睿鑒謹

奏

覽江省秋成豐稔情形朕懷深慰汝等督撫但能秉心
忠誠布政平允未有不上感

天和克致休徵者覩此應驗捷如影響當愈加寅畏勿稍

涉驕矜朕亦如斯期共加勉欽哉

天地生成之德

聖祖垂庇之恩寧敢負乎

奏爲據實奏

聞事竊照知府一官有監臨州縣之責必須持身端正操守清廉始足以表率屬員而於地方事務方無廢弛有揚州府知府楊繼椿者性情貪鄙各罔恤民瘼無論臨民接物凡事刻意苛求商民咸畏其威無不極意逢迎以厭其欲而冀免於禍揚州裏河仙女廟鎮有閘通揚子江繼椿遣

其門人苗相功把守閘口盤查私貨鎮上居住
之監生旋元乾家資富厚廣好交遊卽與守閘
之苗相功彼此往來遂將元乾富厚情形聞於
繼椿繼椿卽令苗相功轉向元乾陳說繼椿利
害并言以禮交際極可親近之狀元乾因挽苗
相功說合於今年六月間備銀一千二百兩拜
爲門生隨禮一百二十兩把門家人李兆元收
繳維揚巨室以及商賈聞風莫不趨承恐後六
月二十四日紳商樊經汪晉德馬裕等延請繼
椿設席方園因時天旱書辦進牌禁屠把門家

人傳諭今日赴席另期祈雨竟往就酌演戲引
觴盡歡而散由是朝飲暮樂殆無虛日此繼椿
六月內之近事如此由前而論則依官嚇詐違
禁擅收門生也由後而論則視宴樂爲美觀置
民瘼於不問也臣思人臣事

君之義理宜精白乃心奉公勤職庶不負
楊繼椿係李維均保薦之員來歷原屬不正尚未料其
聖明委任至意今揚州府楊繼椿所行所爲臣既聞
負恩至於此極見甚確不敢不爲據實奏

聞謹

奏

有人叅奏楊繼椿如此貪鄙汝其確訪嚴叅以爲溺職者戒朕觀所奏款跡鑿鑿十有八九毋因從前失於覺察而少爲回護將朕此諭亦密令范時繹知之事果不虛一面具疏糾劾一面拏禁任所贓私卽行查封原籍產業咨明晉撫勿使轉移庶不致得以施其三窟之伎倆也

雍正七年十月十三日蘇州巡撫協理河工事務

臣尹繼善謹

奏爲奏

聞事竊臣齎摺家人回南恭奉

硃批諭旨

至

尹繼善

皇上發出

硃批奏摺爲叅奏揚州府知府楊繼椿貪賊玩法奉

諭旨令臣留心訪察嚴叅不可因失於覺察少有回護

臣欽遵密訪除奏摺所叅款跡外更訪得有貢生

項立高拜爲門生送銀一千六百兩又繼椿家人

偷運贓私回家在途被盜打劫并任用書辦在外

招搖納賄各款臣訪聞旣確隨一并入疏

題叅一面將繼椿拏禁差員查封任所竝密移山西

撫臣嚴查原籍家資務將所得贓私逐一追出不

使人使稍有隱漏以爲負

恩者戒臣蒙

皇恩簡畀重任地方有此婪贓壞法之員不能及早覺
察此實臣之愚昧無才仰荷

聖恩原宥不卽嚴加譴責
命臣訪察叅處實不勝愧赧悚懼之至謹

奏

如此方是地方遼濶屬員衆多焉得事事早覺人人預
察但一有覺察卽不姑容夫何過之有

同日又

奏爲奏明事竊據署撫臣彭維新查出江都縣知縣

陸朝璣住居蘇州地方先曾充布政司衙門書辦
改冒浙江籍貫由監生捐納補授江都縣知縣未
行呈首咨送題叅會彙到臣查官員例應迴避本
省况先充本省上司書辦乃竝不呈首理應

題叅但該員居官幹練辦事明敏留心察訪實理繁
治劇之才署撫臣彭維新疏內并叅其用刑未免
過重民有怨言實屬未確臣思人才難得正在繕
摺具

奏聞適浙江督臣李衛過淮論及該員居官亦云此
恩當公同奏

聞臣謹據實具奏內一半情錄與臣等議處二十兩一
奏伏祈 聖鑒施行謹
皇上睿鑒施行謹

奏

冒籍行已不端不首更屬藐法縱有理繁治劇之才亦
才勝於德之小人耳何足深惜前於范時繹奏聞摺內
業經明白批示汝試詢之凡遇此等事件祇應依律處
斷以申明功令爲是奚容猶豫若稍存違道干譽左袒
屬員之見被衆窺破目下雖邀稱頌虛聲將來必至諸
務廢弛斯一節乃爲督撫者所宜切戒

雍正七年十二月初四日蘇州巡撫協理河工事

務臣尹繼善謹

奏爲奏明事竊照江省徵收漕糧積弊多端上厯

聖懷特頒

諭旨聞

命之下殊深惶悚臣日夜圖維留心體訪凡民間完漕

耗費州縣辦漕需用以及旂丁輓運用度細細察

核務期與漕務官民均有裨益方可永遠行之無

弊查鄂爾泰先任蘇州布政司時曾有每石收漕

費六分之議內一半幫給旂丁每船銀二十兩一

半給州縣爲辦漕之用臣通盤合計在從前旗丁抵通過淮浮費甚多原不敷用今蒙

聖明已將旗丁一切浮費禁革伊等原有行月錢糧又加額編五米十銀每船再幫銀二十兩儘足用度旗丁既有定規州縣不被勒索有此三分一石亦可辦公卽民間完納漕糧每石止令交費六分一切耗米斛面盡行禁革亦不爲苦臣在清江時卽經擬定規條聞署督撫諸臣因先奉

諭旨發鈔奏摺內開有江省收漕每石應收漕費三分官吏多收六七分不等之語欲避此名色署督臣

范時繹行司議詳每石止許收費三分署撫臣彭
維新飭令每米一石准其折扣九斗臣查九扣收
漕每石已加米一斗一升怕存六七分之名陰行
八九分之實小民豈能受惠此議斷不可行至若
每石收費三分以一半給旗丁每船止得銀十兩
以一半給州縣每石止一分五釐一切鋪墊人工
腳價實不敷用夫處事必求其當立法務在可遵
若矯枉過正雖小民一時感頌而公事難行將來
勢必復增况奏摺所稱既收費六七分又復加米
兩項合計實在浮多如米糧不許升合加增僅收

漕費六分原屬官民兩便臣隨咨會署督撫及漕
臣商定畫一收費六分通飭遵行再向來隨漕收
取餘米最滋弊混易於侵冒其常平社倉捐穀一
項原係勸民樂輸而近來竟隨漕勒收亦一併飭
禁至旗丁既經定議每船幫銀二十兩自不許仍
向各州縣勒索而州縣又向有呈送各衙門徵漕
陋規近年以來雖院司道府衙門已俱不收取其
監兌押運等官以及吏役催漕人等仍有浮費若
聽其因循則弊不除根州縣仍得藉口亦一并條
分縷晰出示嚴禁今歲法令之初猶恐官吏奉行

不力臣督率司道各官俱時時加意處處留心除
玩法之興化縣等已經嚴叅鎖拏各處現在密行
查訪明加儆戒務期漕弊肅清以仰副我
甚爲可嘉欣慰覽焉
皇上惠愛黎元至意事關吏治民生時厯
睿慮理合

奏明伏祈

皇上聖鑒謹

奏

辦漕一事籌計精詳識見確切洵屬允當之至卽照所
議定爲成憲永久遵行可也

奏爲奏

聞事竊臣回任後接到浙江督臣李衛來咨內稱沿海等處有自稱俠士豪傑學習拳棒造作符咒陰謀不軌者移臣一體協拏臣隨差幹員將咨開各犯陸續密拏獲解於所獲無錫之范龍友處搜出書籍係道家行功畫符之法繼復節次准咨續拏各犯有係蘇城踰匠拜把結盟之二十餘人當卽拏獲竝搜出結拜盟單又李衛令臬司馬世炘拏獲賣卜并講坐功之張云如於伊家搜出往來拜帖

姓名內紳衿鹽商旗民不等共五十餘人移督臣
范時繹就近嚴查督臣已將揚州商總程兆庚并
原任翰林唐建中等提拏臣現在密加根究將未
獲各犯設法查拏一面密諭地方各官善爲奉行
勿使輕舉妄動惶惑人心事關地方理合奏

聞除搜出道書已經浙省差員帶去謹將追出踣匠盟
單抄呈

聖覽謹

奏

凡李衛移咨查緝人犯務須照數捕解若致一名漏網

汝等責有攸歸慎勿泛泛視之也錄呈盟單之意朕殊未解

雍正八年二月初三日蘇州巡撫協理河工事務
臣尹繼善謹

奏爲覆奏事竊據原任蘇州巡撫陳時夏叅奏泰州
知州褚世暄挑河冒帑誤工郎中程夢瑛捏報驗
收范時繹鄂禮不肯會稿題叅奉

旨將奏摺竝議覆摺片令臣秉公查奏交發到臣伏查
原任泰州知州褚世暄承挑中昏竈起至王家港
海河工程三千一百丈於去年六月報完嗣據呈

硃批諭旨

奎

尹繼善

稱工近海口連日大雨油沙泛漫間有淋卸淤淺
詳請查驗等情鄂禮陳時夏赴工查驗河身浮沙
淤淺兩岸坍塌不能如式之處逐段丈量飭令該
州撈浚修整隨據監督河務郎中程夢瑛具詳驗
明如式一律深通等語陳時夏謂褚世暄冒帑誤
工程夢瑛代爲捏報欲會稿題叅鄂禮以海河浮
沙易淤其不合式處已責令修整况錢糧並未領
足程夢瑛旣有一律深通之詳尚未親往覆勘不
便卽行叅奏及與范時繹會稿范時繹以該州曾
經報明油沙泛漫雨水淋卸已令如式修浚與冒

帑者異行令淮揚道確查淮揚道查明兩岸原係
雨水淋卸河身已重浚深通俱合原估報明范時
繹因遂咨覆陳時夏免叅此事歷歷有案可稽有
工可驗范時繹鄂禮不肯會稿竝無徇縱之情弊
也其所奏褚世暄扣剋工銀高擡錢價及承挑各
員土方不發足九分之處臣查挑土工價定例每
方銀九分開工之後遇有陰雨重復戽水或有淤
卸復行修濬或人夫透領逃走另行雇覓俱在九
分之內凡河工人員卽廉潔自好者亦必不能於
挑土方工發足九分不得以此槩指承挑各官爲

侵蝕但細加查訪褚世暄任用幕友家人作弊勒
指工價侵扣戡頭折米給夫高擡價值實有扣剋
帑銀苦累夫役之弊臣已行令揚州府將伊家人
幕友等嚴拏究訊俟審明之後將不行查出揭報
之程夢瑛一併

題叅嚴審緣奉交臣密查事理實無情弊之事臣不
敢附會確有作弊之處臣不敢欺隱理合將前後
情由據實奏

聞謹

奏

覽奏已悉程夢瑛前據范時繹破格保留此外居心行事何如果係可用之員否假若謬誤處少勤幹處多則當功過相抵權宜處置豈因其稍失檢點而遂棄一能吏乎

雍正八年三月二十二日蘇州巡撫協理河工事

務臣尹繼善謹

奏爲

聖治漸摩民風敦厚據實奏

聞事竊惟民俗關乎治化

聖世必有仁風我

皇上建極綏猷厚生正德煌煌

彝訓誥誡多方凡所以正人心善風俗者固已無微之
不周而無遠之弗屆邇年以來萬邦協和四方從
欲山陬海澨咸講讓而興廉村婦耕夫俱向風而
慕義卽江南民俗素尚浮澆鮮敦實行今則沐浴
天恩靡不淪肌浹髓薰陶

聖教亦知革薄從忠有能睦族好義如蘇州府吳縣候
選知州范瑤者係宋儒范仲淹後裔也仲淹當日
曾置義田贍養宗族海內皆知范氏義莊子孫至
今世守近因支派繁衍給用不敷范瑤家非素封

所有之田不過一千餘畝乃能自甘澹泊捐田千畝歸入義莊收租贍族據范姓合族公懇飭縣推收存案具呈前來臣伏讀

聖諭十六條有曰敦宗族以昭雍睦

御製廣訓有曰置義田以贍貧乏去年又

特頒諭旨教富戶以睦婣任卹周濟貧窮之道而范瑤仰遵

聖訓遠紹前徽以萬金之良田爲合族之公產此實由我

皇上至德感孚聲教洋溢是以化行俗美羣黎徧德三

皇上吳士庶莫不聞風興起詠歌
盛世傳爲美談臣目擊其事不敢壅於上

聞應否具

題恭請旌獎以示鼓勵未敢擅便謹

奏

地方上偶一善事何得遽云化行俗美羣黎徧德題請
旌獎鼓勵義風則可不須如許張大虛詞耳

同日又

奏爲奏

聞事竊照私鑄錢文屢奉

諭旨嚴禁臣因江省用錢有雜錢攙和恐地方潛匿私鑄嚴行稽察臣復密加察訪聞有吳江縣民周寧書私鑄販賣一面遣員搜查卽獲私錢并私鑄器具又另獲私鑄人胡文忠隨提究訊當據供出私鑄之汝堯年汝晉培蔣文忠錢士眷等皆係積年私鑄棍徒均經拘獲其蘇州鎮江淮安各處販賣之人亦分別查拏逐加追究俟訊明分別私鑄年月將失察地方各官

題叅外再審訊各犯據供伊等所鑄俗名鉛錢本地不用俱係江北客人販去而江北客人攜帶南來

則爲沙板錢係鳳陽府亳州竝山東地方所鑄等語臣亦現在究訊住址差人訪拏并咨會山東安徽撫臣嚴加查緝一體嚴禁查雍正四年二月內定例通行直隸各省多張告示令經紀鋪戶人等將私錢赴官首明量給官價使私錢不行則私鑄自息立法誠爲盡善因雜錢攬用日久地方官不能善爲開導實力稽查各處尚在公行今各省現開鼓鑄若不設法查禁制錢不得流通似應再行定限曉諭首報凡有私錢盡行交官自限滿之後不許攬用一文違者照例治罪庶私錢不得攬用

私鑄方可止息但此必得各省畫一遵行方能共
收實效伏候

皇上睿鑒謹

奏

據奏私錢如不設法查禁制錢不得流通等語此論非
也蓋私錢之未淨盡緣制錢不敷所用故耳直省莫不
皆然今若不揣其本而齊其末一味峻法繩治是使小
民無錢可用矣故曰私錢之禁嚴與寬須視制錢之敷
與不敷至制錢敷用時然後齊之以法則私鑄自當止
息否則徒滋紛擾究屬無益京師從前經收小錢晉撫

伊都立亦曾請禁雜錢旋即中止而反致錢價大昂斯
即明驗茲令各省收黃銅開鼓鑄之意正爲此也所奏
必待錢價大平方可舉行目前不宜急遽况府縣守令
現俱清查積欠亦難分身兼顧爲今之計但當禁止盜
銷私鑄各省督撫若果實力奉行不數年後朕可保錢
法必能畫一也

奏同日又

皇奏爲奏明事竊臣先於署撫時因查吳存禮虧空銀
四十餘萬兩開報產業無幾將伊在蘇家人提究
止據開出借欠餽送等項臣以吳存禮歷任貪婪

必有隱匿財產當卽具摺請

旨將吳存禮長子甘肅遊擊吳永年解蘇究審又准部
將吳希聖等押解來南臣於去年十一月回任此
案尚未審定隨將吳永年吳希聖等嚴加審追據
伊等供出在京并江南高郵吳縣等處地畝房屋
又各名下首飾什物人口等項以及吳永年吳希
聖自行餽送各人員銀物臣再行嚴究此外有無
隱匿資產將餽送各項內含混不明竝實在無著
者逐一核正分晰具

題再吳永年等在監臣令人不時察其動靜以便根

究茲於監所檢出去年來時於途中寄往陝西家
信底稿內云涼莊道殷邦翰永昌縣楊汝梗將我
家中物件留下應允幫助又云上京驟轎駝子要
少所有物件就在彼處變賣免致招搖家人留幾
家住陝等語查虧員子孫奉

旨提審殷邦翰等何得將所有家資通同隱匿現在
密咨甘肅撫臣查究寄頓何物陝省留住家人若

似此

秉公執法方不負朕之任用也勉之

干口有無挾資潛匿并咨會該旗吳永年家口回
旗卽行搜查根究又據吳縣知縣吳棟查稟松江

提督柏之蕃差家人來蘇四次送吳希聖等銀三

百兩地方大吏於監禁重犯著人來往送銀甚屬不合相應一并奏

聞謹

奏

覽栢之蕃餽送銀兩之奏朕不覺愕然以地方大吏如此周旋監禁重犯是何情由所以用人苦衷惟

上天鑒之耳再如范時繹馬世烜近日心行豈不出人意外乎范時繹姑置不論馬世烜蒙朕赦過棄瑕之恩不思致身圖報而乃爲私徇匪徒之舉世情難量有如是夫汝等切勿以少年意氣過信於人須步步留心體察

方能辨別姦良若稍涉疎畧未有不貽後悔者固不可以小人之心度君子亦不可以君子之心待小人誌之

雍正八年四月二十四日蘇州巡撫協理河工事

務臣尹繼善謹

奏爲據實陳明事竊據御史鄒光濤條奏江南漕糧一事奉

硃批鄒光濤如此條奏汝可查議奏聞應整剔者加意辦理禁革如所陳荒謬不實明白回奏以聞欽此將原摺交發到臣捧讀之下不勝惶悚伏查江南徵收漕糧從前積弊多端州縣加二加三貪取無厭

旗丁每船五六十兩需索不休且上下衙門層層俱有使費臣去年將陋規痛革每石定收漕費六分以三分給州縣以三分幫旗丁收米平斛响攬不許多取升合各屬兢兢守法糧戶咸感

皇恩完漕最速開兌獨早此衆耳衆目共見共聞乃鄒光濤以此六分之費加以科派之名臣實不勝駭異竊思各省糧米之有耗費猶之錢糧之有耗銀州縣藉以爲修倉鋪墊人工脚價之資旗丁賴以爲增補棚索添雇水手等項之用此公事之所必需而勢不容已者今光濤以爲科派勢必粒米毫

銀不取於民使州縣不能辦漕旗丁不能挽運公
事坐誤如何可行且謂耗米已經編入正項此言
更屬不經其所謂耗米者必指五米也查五米隨
漕徵收隨正報銷由來已久此係支給旗丁之款
竝非歸入正米之耗光濤竝不細查而輒加以歸
耗入正之名其意何居至於漕糧定例十月開徵
歲底完兌臣去年十一月初九回任各屬多未開
倉星夜催督糧戶衆多擁集交納即使隨到隨收
守候勢所不免乃謂揀選米色有累於民殊不知

皇恩浩蕩已准紅白兼收而

天庾正供亦須米色乾潔若只圖百姓感譽不論米之
好醜令一槩全收不但難以受兌亦且縱長刁風
鄒光濤以爲挑選米色卽是累民卽是作弊此偏
私之見不近情理之論也鄒光濤係臣同年去歲
入都路過清江再三求見問以地方之事則大不
足於署武進縣王喬林臣素知王喬林居官係州
縣中之出衆者問其有何劣跡則止云居心太刻
執法太嚴語言之間深怨其相待寡情止送盤費
二兩臣知其挾私誣陷以言拒之頗有愧色臨別
又求臣多贈以有同年之誼些微資助拂意而去

此人之行徑如此臣非欲掩己之非攻人之短我

皇上明竝日月

硃批荒謬不實早已洞鑒其心臣之一舉一動難逃
至聖之照臨自亦無庸置辨惟有愈加儆惕愈加黽勉
以求仰報

高深於萬一耳謹

奏

朕向曾有旨地方大吏凡遇親友請託皆直據其事密
以奏聞諸臣果肯實力遵從惡習可以永杜如此誠諭
不啻再三日前有行之者朕俱顯示獎勵汝豈未之聞

耶試思置辯於今日何如奏聞於當時經此一番仍不愧赧銘座書紳以爲終身之戒至受累時追憶朕諭但祇自怨自艾慎毋尤人爲也

雍正八年六月初三日蘇州巡撫協理河工事務

臣尹繼善謹

奏爲奏

聞事查得崇明縣地方孤懸海外民俗强悍動輒生事有鄉村佃戶以業主催討麥租緊急聚集喧譁強勒閉市臣思民間種地完租乃分內之事豈容刁佃頑抗卽或麥秋稍薄亦應求業主情讓何得聚

集不法臣於揚州舟次聞信其爲首之人已訪知名姓一面委員飛查一面檄飭蘇巡道親赴該縣地方查拏嚴究聞該縣知縣祖秉鎮沽名邀譽並不約束查拏且有卽抄搶富戶我知縣亦不管之語明係有心故縱慝生事近訪得該員居官操守亦甚平常現在一并確查似此營私廢法縱惡長刁之員實堪痛恨俟查復到日卽當具疏嚴叅拏究又佃戶傳帖內有惡戶施大受將美女金帛送施總兵通家來往倚勢多索麥租等語總兵施專年少輕浮而兼寡識於此等處操持不固容或廷專甫經到任揆之情理似難憑信但旣有此言

施廷

有之

臣亦密察虛實事關地方合先繕摺奏

聞謹

奏

確查起釁之由如該令果有故縱實據具疏嚴叅可也

雍正八年十一月二十四日蘇州巡撫協理河工

事務臣尹繼善謹

奏爲恭報瑞雪事竊照淮徐一帶民食全資二麥今

秋收成歉薄惟賴春花被水地方蒙

皇恩浩蕩蠲賑宏施比戶寧居羣歌樂利臣令州縣勤

宣

聖德勸諭各鄉農民及時種麥正在播種齊全於十月
二十一日徐州地方得雪五六寸邳州宿遷海州
沐陽等處得雪三四寸淮安清河得雪二三寸再
江寧鎮江等處亦得雪一二寸似此瑞雪應時民
生攸賴皆我

皇上保赤心殷至誠感召之所致理合繕摺恭報謹
奏

微雪沾潤且又不過江北數處何須大言矜肆嗣後似
此虛飾之文更勿復爾誌之

同日又

奏爲奏明事竊惟各省虧空積案纍纍蒙

聖恩浩蕩格外矜全凡雍正三年以前之事分別情罪酌量寬免現在各省陸續造冊送部查核臣思虧空冊籍必須徹底清晰而已完未完最易乘機朦混其最易朦混之處不在銀兩而在產業蓋入官產業有已估而達部者有估而未達部者有雖經報出尚未估定者有已經開報因未勘估尚係本人管業者有本省虧空等案究出外省產業移咨尚未確覆者有外省虧空等案咨查原籍查明產業尚未知會者并有虧空等案開出借欠而借欠

之人復將產業抵報者各案產業種種不同雖前
准部咨令將已完之數不許隱漏却未指明房產
而無知之人卽疑所謂已完專指銀數未免妄生
希冀嗣奉

諭旨恩免各案部文內雖聲明已經估報產業催令速
變而人卽以爲未估產業似不在應變之列又有
部文內但渾言某案寬免未經聲說產業而人混
以爲產業均在邀免之內議論參差以致地方官
意見不定紛紛請示臣思我皇上如天之仁有加無已爲臣子者自當事事仰體

聖心而帑項所關亦宜加意慎重臣逐案細查除本人未交銀兩未報產業並開抵借欠未據交出銀兩報出產業者俱作未完外若田房產業已經報部者固作速變價未經報部者亦入冊咨明已經估定者固卽扣清完數未經估定者見催確估歸除其未准部文但准各省咨追者亦將查出產業咨明各省以免岐誤本人開出借欠而借欠之人據報產業抵補者仍在借欠項下登明以免遺漏總期無隱無欺無枉無縱臣知識愚昧通身籌畫徹底推詳知其中頭緒紛繁倘心思稍有未到奉行

稍有不善或將未經估定達部之項退還本人或將外省咨追案內已有查出產業因未咨明外省無可對證從寬沉閣屬員乘機朦混書吏借端撞騙所係匪淺事關各省臣既有所見曷敢不詳悉陳

奏仰懇

聖明裁酌敕諭該部行文督撫凡虧空咨追贓罰各案已完未完查核確實該部分晰詳明具奏將應免不應免之項明白知照畫一遵行則於

國帑民生兩有裨益矣謹

奏

此奏可謂情理兼得尹繼善不避嫌怨實心任事深爲可嘉但若照依所奏固云杜絕朦混之弊而奉行不善則開官吏留難之端既不令姦貪者於朕恩免之外得以僥倖遺漏又不致不肖官吏借詞需索高下其手方爲盡善該部悉心斟酌詳議具奏

雍正八年十二月初八日蘇州巡撫協理河工事

務臣尹繼善謹

奏爲奏

聞事竊照邳徐淮海一帶蒙

皇恩浩蕩發帑賑恤兩月口糧已於十一月賑完又蒙
皇恩軫念寒冬加賑一月現在倉糧撥運齊全臣會同
侍郎臣馬爾泰等定於十二月十六日開賑已多
派妥員協同州縣料理俾窮黎歲底新正得有接
濟從前被水之初無業小民一時倉皇間有外出
者後皆陸續歸里雖賑銀已竣臣酌撥公銀給發
州縣現今查明照數補賑加賑米糧之時亦一體
入冊給領使得共沐

皇仁間有外省之民來至江省覓食者時屆深冬寒冷
若一時遣送回籍長途跋涉實滋苦累臣同馬爾

泰彭維新悉心商酌飭發公銀令各州縣暫行撫恤聽其謀食俟天氣和暖再酌量送回目下淮揚米糧每石九錢一兩不等徐邳一帶小米一兩上下糧價不甚昂貴臣已撥定揚州鹽義倉米穀令州縣領運俟賑濟之後繼以平糶源源資助務期緩急得宜民生有益謹

奏

料理甚屬允協至於外省流移所謂率土之濱莫非吾民自當一體賑恤何分彼此惟飭諭屬員實力奉行爲要耳

雍正九年六月初六日蘇州巡撫協理河工事務

臣尹繼善謹

奏爲敬陳清查情形仰祈

睿鑒事竊江南積欠奉

旨清查

訓諭諄切務令官侵役蝕民欠徹底分晰以清積弊以
除民累又蒙

恩施格外准其自首臣等謹遵辦理多方開導其吏役
之感恩畏法悔悟自首者甚多而不肖之徒又往
往詭計百出或本係侵蝕而誘哄糧戶認爲民欠

或已經自首而希圖翻案捏造浮言又或掩藏實在侵蝕而反將民欠混首搪塞以淆人之耳目查辦之員少爲寬鬆未免被其朦蔽一加嚴切又至過當失中二年以來自首查出之數已至四百餘萬其情弊確鑿者原無可更易而其中或民間記憶不清或吏胥心懷畏懼印協各員不能詳細剖晰虛衷體察間有以民欠混入侵蝕者臣思除弊之道不可不盡亦不可不實不盡則姦頑得以漏網不實則良民竝受苦累臣悉心採訪因與總理諸臣再三商酌於二月內通飭分查大員督率各

屬細加分別除侵蝕有憑有據有與有受質對明白者不許任其翻騰狡展外或其中稍有游移纏混之處務必推敲確實秉公改正不得捏飾朦混三四月間據各分查稟報遵循核改惟常州所屬頭緒更繁分查馮景夏盡心竭力不辭勞怨而錯認之處未免膠執臣秋審後在常親身料理分派人員抽圖查對喚圖書糧戶質訊擇其侵蝕項下之毫無確據者俱一一改正使經承圖差之實在侵蝕不得混淆而於清查案內生事嚇詐之蠹書已訪確拏究現今造冊之時各處俱在磨對更正

不敢怠忽草率此係臣等應准情度理料理之事
未敢煩瀆

聖聰今蒙

恩旨教訓務令分別確當不可使民欠混爲侵蝕皆由
臣等辦理未妥以致上厪

聖懷惶悚之下愈加儆惕現在通行嚴飭督率各屬細
加核實務期無枉無縱約於七八月內可以完竣

臣謹將遵

旨辦理緣由繕摺奏

聞謹

硃批諭旨

八

尹繼善

奏

朕實代汝等愧之但人心之不同猶如其面汝等具何心思具何面目朕則未之知也

雍正九年八月二十一日署理江南總督蘇州巡

撫臣尹繼善謹

奏爲恭謝

天恩事竊臣質本庸愚事多未諳荷蒙

聖主深恩畀以江蘇巡撫重任涓埃未效正切悚惶驚

聞

寵命令臣署理總督印務益深凜惕伏思總督統轄三

秦省調度文武經理疆隅訓練士卒責任愈重仔肩
愈難愚昧如臣自分何以勝任惟有俯竭駑鈍自
矢愚誠心力所能到者不留有餘卽心力所難周
者亦黽勉學習斷不敢存絲毫怠忽苟且之念有
負

養育造就之深仁八月初四日署撫臣王國棟到任臣
將辦理事宜地方情形屬員賢否一一詳悉告知
於八月初八日自蘇起行至瓜洲查勘江工一面
約河臣嵇曾筠同至工所面籌保護之法竝商酌
駱馬湖高堰各處工程再丹徒丹陽清查將竣臣

親行查核尚有辦理未妥之處恐分查道朱鴻緒
回護前非又令郎中張勤望帶同委員料理更正
今於十五日到江寧任所江蘇之事係臣經手不
敢因署理總督卽欲總其大綱稍生推卸凡事無
大小自當與署撫臣同心協力料理其上江江西
臣初到任雖未知其詳但訪查大槩須整頓之事
尚多自當悉心籌畫次第辦理叩懇
聖恩指示訓誨俾臣祇遵奉行地方幸甚微臣幸甚所
有感激下忱理合恭摺

奏謝謹

奏
能矢志以自警策固善凡百一無欺隱尤所當務蓋蹇蹇匪躬之義言不爲身謀也可不勗諸

同日又

奏爲請換老邁之總兵以重地方事竊查整飭營伍訓練士卒甚爲緊要臣蒙

皇上隆恩身膺三省重寄一切戎政亟應竭力整頓而相助爲理全賴總兵一官現在崇明總兵李燦爲人勤慎辦事用心頗能督率料理狼山總兵王安國爲人雖甚朴實但年已七旬精力不及諸事未

免懈弛昨來蘇相見臣因其老於營制與之詳細
考究不但毫無籌畫竝其所管地方多不記憶屬
員賢否不能周知海疆關係甚重狼山所轄又甚
皇上遼闊非老邁之人所能勝任臣不敢因循謹據實
奏懇
聞仰懇
聖恩另簡賢能之員庶於地方有益謹
奏

所奏是朕一見王安國知其爲庸愚無識之人及考其
歷任以來竝未見有錯誤處是以姑留至今此缺甚難

其選候朕斟酌有旨

雍正九年十一月二十九日署理江南總督蘇州

巡撫臣尹繼善謹

奏爲奏明事竊惟江蘇漕務蒙我

皇上諄諄教誨臣實力遵循悉心籌畫邇年以來官吏
弁丁方知奉公守法新糧道甘汝來現因給假在
籍未得赴任馮景夏清查雖竣糧務業已經手是
以尚未赴江寧布政司之任現在藩篆係驛道陳
弘謀署理爲人明白實心任事於吏治頗能整頓
上江漕務雖經前撫臣魏廷珍酌定每石加一收

耗但積玩成習弊端甚多臣現與撫臣嚴加察訪
徹底清釐不肖吏胥始稍知有畏懼署理江安糧
道王恕奉

旨令臣等時加察看據實奏聞臣留心體察王恕操守
謹飭辦事細心但才情稍覺遲緩臣隨事策勵勉
其不逮尚可供職無誤至於文武屬員臣凜遵
聖訓處處留心體察時時諄切勸勉以期澄清吏治但
江西相隔較遠向來惟武職調考文職俱不赴驗
雖居官之賢否固可留心考查但總督有統轄之
責而屬員從不識面惟憑文檄往來終覺間隔臣

命之愚以爲一江上下不甚相遠除州縣繁多應免調
恩驗外其知府甚屬緊要自當輪流赴省驗看一次
竊命既可詳問事宜亦可隨事開導庶於察吏有益伏
祈

聖恩訓諭欽遵謹

奏

時有忙閒地有遠近調驗之舉在汝酌量爲之至於署
事之員雖云暫攝亦須才當其任方可

雍正十年正月二十八日署理江南總督蘇州巡

撫臣尹繼善謹

奏爲恭謝

天恩事竊臣才識庸愚荷蒙

聖主深恩畀以封疆重任殷殷期望事事提撕勉臣以

所未能宥臣之所不逮成全教養高厚難名自愧

夔巡撫三年毫無寸長報稱署理督篆以來雖竭力

望恩殫心倍加奮勉而地廣事繁不能勝任寤寐之中

悚惶無地茲荷

寵命協辦江寧將軍復奉

恩綸總理兩淮鹽政臣聞

命之下感懼彌深伏思江寧八旗從前廢弛自鄂密達

辦理二年已經漸次整頓若一經放鬆則廢弛甚
穆森之病正在於此一生惟以避怨市德為務不少改
易署將軍穆森老成持重為人過於和平新任副
都統吳那徹到來未久似能勤敏趨事臣惟有諸
易實不解伊具何肺腑
事商酌盡心協理不敢一毫諉卸上厪

聖懷鹽政所關甚重臣雖未諳事機敢不加意整頓惟
有仰遵

訓諭悉心禁弊設法緝私凡有應行籌畫之處務與高
斌和衷共濟妥協料理以無負我

皇上逾格加恩陶成委任之至意所有感激愚忱謹具
摺恭謝

天恩謹恭備

皇奏

竭力勉之但確秉公忠告

天而行諸務無不就緒之理根本既固枝葉自必敷榮也

馬世龍何如可勝此任否

聖對同日又關甚重

奉爲備陳長江情形酌籌水師營制仰懇

聖訓事竊惟長江跨連數省通湖達海最關緊要沿江

居督

任者果肯如是殫心盡力以求實效朕復何慮若但掉

營必得一營之實濟有一兵必收一兵之實用方

弄虛文則亦究屬無濟耳

爲措置得宜緩急足恃臣事機未諳愚昧無知荷
蒙

聖主深恩署理總督印務懼職任之難盡恨營伍之廢
弛數月以來竭力整頓設法稽察務冀技藝純熟
汛防嚴密以無負我

正爲北慮

皇上教訓期望之至意而兩江水師情形多係有名無
實臣悉心諮訪通身籌畫其中未妥之處愚見所
及有不敢不據實陳

奏者京口爲江淮鎖鑰南北咽喉將軍親標兩營駐
劄府城俱係陸路江陰副將左右兩營雖係水師

止守沿江汎地所有京口沙船五十六隻艍犁船
三十二隻配搭八旗官兵乘坐操演實爲江省水
師之重鎮今查兩項戰船共水兵一千四百餘名
却爲將軍親標陸路兩營管轄陸路將弁旣不熟
諳水性且船隻水手駐劄之高子港去鎮城數十
里不能兼顧除春秋兩操而外俱各游手好閒不
但無人訓練亦且竝無器械徒有兵名究無實濟
此京口水師不妥之情形也江寧爲省會重地襟
帶長江居京口狼山上游從前竝無水師雍正五
年欽奉

諭旨令江寧駐防滿洲官兵學習水師部議於八旗滿洲蒙古馬兵內挑選一千名派協領四員佐領防禦驍騎校各十二員撥京口將軍標沙船二十隻共水手三百餘名令江寧將軍督率每逢春秋二季操演八旗官兵實爲有益但教習水兵必得設有專員當日部議止令於鎮江千把內揀選四員遇水操之時令其前往江寧分配旗員教習至止操之時仍回原任無論暫時派撥之員竝無責成難收實效卽鎮江千把亦不能教習水師而佐領等官不能熟諳旗下事多不能在城外彈壓雖輪

班照看竝無專責至今三百餘兵不但未置器械
未習技藝且家眷仍在鎮江高子港春秋臨時應
差其餘之日多半來往京口而經管旗員除捕盜
舵工之外尚皆不能熟識一旦需用官兵俱不聯
合人船總不湊手此江寧水師不妥之情形也狼
山爲長江尾閭大海門戶總兵親標三營有戰船
二十二隻定例春秋出洋操練江汛每月會哨邇
年以來狼山營伍疎懈春秋不過駕沙唬船數隻
每船配兵數名竝不出至大洋止於江口來往幾
次草率塞責水面不能熟嫻焉望衝鋒破浪至於

江汛會哨虛應故事止以空文具報會與不會漫
無稽查更可異者趕繒大船原係出洋利艘而竟
泊於狼山港內高閣沙灘從不出洋操練廢棄戰
船虛糜糧餉此狼山水師廢弛之情形也現在狼
山營務臣已面交署總兵王廷梅令其逐事詳稟
徹底清查將船隻之安放不妥者擇地位置水兵
之漫無紀律者教以技藝竝諭以會哨之法令其
實力操演臣復派員前往監查務必力挽積習實
心整理外其京口將軍標水兵一千餘名若不另
行籌畫難收實用請將現住高子港水兵一千四

百餘名另設水師都司一員千把各一員駐劄高
子港專管船隻督率水師並歸江陰水司副將兼
轄除春秋與旗兵合操外閒暇之時卽教習藤牌
挑刀各種技藝則駕船之水手卽精練之勁兵操
船則馳縱江洋停操並可資防禦庶無用者咸成
有用矣江寧將軍船隻俱在江邊停泊其水兵三
百餘名因無棲身之所前將軍鄂密達曾經商酌
臣已撥與隙地似宜酌蓋營房將水手家眷搬至
江寧以免數百里往返奔走請另設水師守備一
員把總二員專司其事仍歸將軍統轄其素日管

理水師旗員仍令兼管除配八旗官兵按期操演
外平時責成守備看管船隻教習兵丁技藝與西
岸浦口營相爲對待再添吧唬船四隻以便巡緝
則城外江邊又有營頭防守實爲嚴密抑臣更有
請者江寧京口旗下官兵雖一年兩次操演而此
外總不駕船終難熟諳以後京口江寧應每月各
於佐領協領等官內派出二員輪駕船隻酌帶兵
丁巡查江面其狼山鎮標除專管海汛之右營官
弁每月駕船巡視海面外中左兩營亦宜每月輪
派將備駕沙唬船二隻於江面游巡如此則水手

得以熟習旗兵又可勤練而長江數千里形勢連
絡遠近聲援庶於武備少有裨益矣為此據實陳

奏伏祈查照而其餘山巖僻創軍營並用之各營官

聖主訓誨遵行謹善官內派出官員紳黨嚴禁酒帶其

奏伏祈查照而其餘山巖僻創軍營並用之各營官

此奏可嘉之至欣悅覽焉將所議機宜與該將軍等悉
心籌畫務期盡改舊習整理妥協應奏請者具疏題請
勉之其間設有立異掣肘不肯實力奉行之人密摺奏
聞朕自另有處置

同日又鄭員外令兼管糾彈八鄭官共計四員

奏爲奏

聞事去年十二月二十日常州府知府魏化麟因公赴
蘇二十一日晚府堂上忽有皮箱一隻隨經營縣
各官公同啓視內有圓木戳六箇上刻花紋又方
木戳五箇俱無字跡又方木板一塊上刻人首龍
身中刻辛字又一塊四角刻十兩銀子四字中刻
亥字又紅手本一箇上書中天淨梵王頒行鈔格
鑿定辛亥十兩銀子敕命御弟同受掛印兼領鑲
旗排日輪管印鈔令御弟十五同伴看印半月接
駕以刻壬子此敕等語甚屬誕妄密飭知府遊擊

訪拏嚴究隨獲道士趙秉中據該府訊供因昔年
請仙有云號作中天淨梵王筆端常吐玉毫光所
以自稱中天淨梵王圓木戳係中天淨梵王印方
木戳係侯印木板刷印卽代銀用并稱字帖內同
受王字下有排日輪管四字兩句內暗裝管同受
王字先年曾被管同受出首伊銅銀一事致受枷
責欲借此報復故將此送至府堂等語及傳管同
受到案質訊雖曾有出首假銀之事而道士語言
怪誕非盡實情再訊據伊徒吳康生供稱有江都
泰邵伯鎮道士劉譽山丹陽東岳廟道士周丕文還

皇上俗道士曹子斌俱與趙秉中相好周丕文曾送一
本奇門遁甲與趙秉中曹子斌平日同趙秉中密
商云蘇州沒有人那些鹽販子漢仗倒好等語又
於趙秉中處搜出手本自稱係宋朝之後肆行狂
吠悖逆之至臣思道士趙秉中雖故作瘋癲而膽
敢狂肆妖言惑衆必有姦徒黨羽助惡爲匪自宜
直窮到底盡除根株臣已差員飛往親提該犯細
心究審將供出黨類一竝嚴拏外合先繕摺奏

聞謹

奏

事非偶然豈無情故凡值此等案件務須窮究根底毋得稍有疎畧若信其瘋癲遂朦朧縱捨以爲省事之舉則大誤矣

雍正十年閏五月十五日署理江南總督蘇州巡撫臣尹繼善謹

奏爲請留効力人員事竊照江省庶務殷繁差遣委用在在需員現在辦理版圖順莊清釐口岸私鹽積弊幅員遼濶頭緒繁多必才具敏練熟諳風土之員方爲有用臣仰體我

皇上愛惜人才至意留心體察有原任上元縣知縣唐

際運因審理竊案未協經前署督臣題叅革職原
任徽州府通判李鏗因署合肥縣任內失察戶書
侵蝕部議革職原任鎮洋縣知縣陶士傑因帶徵
錢糧未完部議降調先經送部引

見奉

旨著照所降之級調用此數員者爲人謹慎才具可用
皆臣素知且均係因公呈誤任內竝無大過又有
原任河標右營遊擊白舉因公出境遲報盜案經
前河臣題叅革職該員弓馬嫻熟辦事敏幹若委
緝捕巡鹽甚爲得力可否留於江省差遣効力酌

人謹厚鑒別公明處處人情帖服今歲十月例應
備冒報滿仰懇天恩再行留任定能仰遵
聖恩再行留任定能仰遵

訓誨拔取實學轉移文風於士子甚有裨益爲此不揣

冒昧具摺奏

聞謹

奏

張廷璐留任江蘇朕原有此意未及降諭耳上汪學臣
王蘭生聲名如何朕亦欲再留一任

雍正十一年六月二十九日雲貴廣西總督臣尹

繼善謹

奏爲恭報大捷事竊照元江臨安一帶賊勢猖獗臣到任後查得軍前官兵單薄隨星飛調派委鶴麗鎮總兵官楊國華帶領前往元江總統與臨元鎮總兵官董芳協力剿除適逆賊分攻元江瓦渣兩處幸大兵一到立時奔逃臣復嚴行臨元兩路總統分遣將備竭力追剿務在探確賊蹤擒拏賊首不許止圖趕散以貽後患嗣因分路追擒賊情窘迫欲侵蒙自內地而佈置甚嚴不能飛越欲竄入普思茶山而江邊要隘防範更密旋據稟報逆賊

多人藏聚於元屬之腊縱地方恃險抗拒臣卽飛
催兩路官兵尅期進剿於五月十八日直抵賊巢
合力圍攻半月奈賊寨懸崖絕壁柵固壕深鎗礮
標弩滾水擂石無一不備官兵自下而上用力甚
難傷損兵練不能遽破臣以行軍之道巧力兼施
賊寨雖堅或宜黑夜火攻或用夷人作線內應自
應多方設法若曠日持久軍力疲憊勢必致賊遠
颺隨遣標員執持令箭往軍營守催如有退縮不
前者卽以軍法從事茲於六月初九日總兵董芳
用附近夷人夜間潛入賊寨舉火各路官兵士練

奮勇衝入乘勢斬殺共斬逆賊首級一百有餘生
擒六十九名奪獲從前所失鎗礮並刀弩器械甚
多查點是日損傷兵練共十餘人所斬首級一一
令賊犯識認有腊縱賊首波鋪波蘇過布渣罵賊
首比戛米克賊首又渺俱已被殺腊縱賊穴始克
蕩平臣甫經到任諸事未諳正值賊勢猖狂非不
知瘴烟暑雨天時地利均處其難但希圖省事必
至蔓延苟且目前終爲大患是以日夜經營不遑
寢食與撫提諸臣悉心商酌和衷共濟仰賴

皇上天威攻克賊巢遠近兇頑無不聞風儆懼元臨內

地已皆處處安堵但逆巢雖已剿滅餘黨尚宜清
除乘此兵威大振臣飛飭總兵楊國華清理元江
之永豐里渣罵一帶總兵董芳清理臨安之藤條
江一帶務使妖氛肅靖邊境安寧以盡職守仰慰
聖懷再普思攸樂一帶餘孽未清先經酌派官兵前往
駐防現在雖不敢猖肆而畏罪藏匿山箐者間有
爲饑餓所迫黑夜搶擄一經官兵追拏卽逃躲無
蹤臣嚴飭文武各官一面搜擒一面上緊招撫陸
續已有投出之戶俟臨元軍務一竣相度情形次
第料理所有元臨報捷緣由合先繕摺奏

聞謹

奏

以手加額欣悅覽之汝甫經到任兩路官兵俱各報捷
可卜

天心嘉佑於汝朕深爲汝慶但能秉此忠誠對越
天地神明自必利有攸往切勿稍存矜伐之念勉之

雍正十一年九月二十一日雲貴廣西總督臣尹

繼善謹

奏爲奏報年歲豐收事竊雲貴二省今歲雨水調勻
禾苗暢茂茲值西成天氣晴霽稻穀籽粒飽滿堅

實收豆雜糧俱各十分豐熟現在處處收穫廣西
奏一省夏間雨澤稍遲收成較遜約有七八分不等
若雲貴二省詢之農民咸稱今歲較往年所收實
一年有二年之獲米糧價值日漸平減窮簷蔀屋
共慶盈寧此皆仰賴我

皇上敬

天勤民福澤廣被萬里邊陲年登大有理合據實

奏報恭慰

聖懷謹

奏

覽三省收穫情形深爲邊氓額慶

雍正十一年十一月二十九日雲貴廣西總督臣

尹繼善謹

奏爲奏明元新賊首盡行投誠事竊臣因去年新平賊首楊昌奉普成忠普阿黑等竝今歲元江賊首播荷老常小名頭三比等尚未就擒於元臨兩路仍留官兵駐劄令總兵董芳楊國華居中調度分遣各土目四路查緝一面出示招安諭以投誠減罪所有逃竄逸賊俱卽陸續獲解其賊首數人自料不能走脫隨據叅將吳朝應稟報普成忠普阿

黑白磨沙江到營來投適值派撥土練進剿普洱
懇求效力贖罪已准令隨營前往又據總兵楊國
華稟報土弁施賦勒自江外帶賊首楊昌奉竝伊
大頭目普兆龍卞朶楊昌禔及後生四十餘名到
他郎行營來投又有新平賊首烏圖哈厄朱榮章
保得甫楊哈資哈牛老八元江窩泥賊首李正同
伊子老大阿二等俱各先後投出再元江一帶播
荷老常小名頭爲倡亂渠魁被土弁施糯利遣人
尋獲欲求招安臣以旣經尋獲非悔罪自投可比
不准招安現在押令緝拏三比如逾限不獲卽行

拏解又據土目方景明將三比之賊黨使扒阿打
合家拏解供出三比藏在翅古箐內已經派練往
拏大約不日可獲統計去歲圍攻新平及今年侵
擾元臨之大賊首除從前擒斬竝解省外餘皆陸
續投誠伏思此輩蠢獮聚衆作惡罪不容誅今旣
出投何難立時擒斬但臣出示招來誘而殺之不
足示威彰信且恐餘黨聞風不出孽根難淨故懇
求用命殺賊者已令隨營效力情願招擒逸賊者
已令人管押訪緝總俟軍務完竣之日拘至省城
除拏獲及尋出者法無可寬外若自行投誠又實

在效力者仰懇

聖恩姑免其死發至黑龍江等處永遠監禁庶足以彰

軍威而昭誠信申法令而靖地方所有賊首投誠

竝據匪愚昧之見具摺聞風不恤懲賊難昭對懇

奏明恭請 聖訓示以遵行謹

皇上訓示以便遵行謹

奏

觀所料理頗屬妥協周密惟自行投誠之輩既云不忍
誘殺許其隨營効力事竣之後又復充發監禁仍不足
以示威彰信朕意應拘集省城分別約束安插爲是如

再干法紀宣示其惡誅之未晚至於烏圖等屢次反覆
非他賊首可比於大軍凱旋時傳齊各土目明以正法
示衆可也

同日又

奏爲奏明普思軍務勦撫情形仰祈

睿鑒事竊攸樂思茅一帶餘孽未清經臣派調兵練選
委將備統領進勦業經繕摺具

奏查普思地方遼濶大兵一到勢必四散奔竄必須
分路密佈併力進攻方克有濟隨與撫提諸臣悉
心商酌將進勦兵練分作東西兩路東路之兵一

由紅籐箐黨戛黨別出慢岔河底一由思茅糯竜
那列慢蚌等處至茄色猓所及磨胖三達一於孔
明山莽通莽瓦以及小猛崙等處分佈堵剿俟三
路事竣卽會合攸樂清理三十六寨西路之兵一
由關鋪板角一帶一由白馬山圈羅一帶搜剿俟
兩路事竣卽會剿六困復恐逃往江外又分調各
土目沿江堵禦隨據總統護鎮周儀具報各路兵
練俱於十月初間先後自普洱前進臣又思思攸
一帶地廣箐深若不恩威並用剿撫兼施不特遍
行搜剿曠延時日且頑苗性多疑畏必致藏匿反

覆查有刀與國之胞弟刀輔國前因律應緣坐解
省羈禁但輔國當伊兄悖叛之際卽出示安慰夷
民撥人守護城池又搬運糧米進城竝無異志著
有勤勞又甚得彼處夷心故不敢拘泥成例將伊
家口留省看守令其隨軍效力竝查元江投誠賊
首普成忠普阿黑熟習彼地情形適當派兵進普
二犯懇求前往亦令隨師效力續據周儀稟報兵
至腊門口攻開賊柵一十五道追至龍潭箐見賊
寨五所羅列山頂山勢險峻卽督兵練奮勇直上
逆賊踞險拒敵我兵鎗礮齊施打傷甚衆餘皆滾

箐又據遊擊張其貴稟報率領兵練前至圈羅一
帶躡見賊扎木城二道當遣刀輔國前往招安各
賊卽俱解戈投誠又陸續據各路將備稟報沿途
攻剿所到必克斬獲頗多官兵止傷數人先後招
出夷民八十餘寨皆云從前實係被脅從賊今俱
傾心投誠哀號懇泣臣等飛飭地方官查明安插
復愷切曉諭不致復被煽惑又據總統周儀稟報
黨戛黨別莽通莽瓦等處賊人因官兵屢次擊敗
俱遁聚於糯怕地方現在分路圍剿等情臣查糯
怕與九龍江橄欖壩等處逼近卽飛飭將各處隘

口嚴行堵禦合力擒剿務期一鼓成功其去年漏網賊首數人飭令設法追拏務期必獲在案茲於十一月二十四日接到

皇上硃批奏摺竝大學士鄂爾泰頒到

上諭覽尹繼善所奏一應料理似俱妥協元臨一帶雖現已平定若賊首尚有未獲卽草率完局目前欲圖省事日後仍將多事是當乘勢清除者至攸樂思茅一帶路通莽緬外夷又非元臨內地可比若徒恃兵力無術以制其心恐進則竄匿退復猖狂縱隨剿隨撫亦終無以善後擒縱之間著尹繼善周詳籌畫慎

重爲之欽此臣跪讀之下仰見我

皇上聖謨廣運

睿慮周詳高出尋常萬萬伏思攸思一帶實非內地可
省比撫治外夷之道實與內地夷人不同不用兵威
財固不足以示懲創徒恃兵力亦終無以服其心臣
上簡知識短淺未諳機宜惟有仰遵

聖訓與撫提諸臣詳悉籌畫務在多方設法操縱得宜
以期寧靜邊疆永遠善後所有現在剿撫情形竝
欽遵

諭旨料理緣由謹具摺奏

聞謹

奏

勦撫名雖二事恩威用豈兩端當撫者未妨明示優容
當勦者亦宜顯施斬馘俾其知順則利而逆則害方可
期近者悅而遠者來今此目前攻心之師卽寓將來善
後之舉是乃仁術非關詐謀寧止綏靖普思將見信孚
莽緬也識之

同日又

奏爲要地亟需幹員仰祈

睿鑒事竊總兵一官有彈壓地方督率營伍之責而邊

疆重地尤爲緊要必須精明幹練之員方克勝任
查得開化鎮總兵官仇元正才具庸平年近七旬
精力衰憊諸事不能整理開化地方南接陵趾西
控元臨實非衰老之人所能勝任其平日居官尚

無劣跡仰懇

所奏是有旨諭部

聖恩可否准令休致查廣西新太協副將崔善元雲貴

崔善元

出師著有勞績前署左江鎮事務亦能料理妥協

勝總兵

臣調來驗看雖才具不甚優長而爲人直樸辦事

識機宜

實心於邊地似屬相宜可否以之補授開化鎮總

兵員缺伏候

驗奏聞
睿裁儻蒙

聖恩俞允其新太協副將員缺亦屬緊要查有雲南鎮

雄營叅將余坤生為前此朕未悉其優劣據鄂爾泰言伊克稱此職

將似能勝任鎮雄地方隣近昭通威寧其叅將一

哈尚德人材

缺亦須強幹之員有鶴麗鎮標右營遊擊哈尚德

可觀心胸亦明白所慮者少年新進人地未必相宜鎮

人雖少年才具敏幹出師六次著有勞績若以之

雄甫經改流且與昭威接壤甚需調劑當選擇老成之

員委署以策其效哈尚德遇內地缺出題補可耳

不揣冒昧繕摺

奏請伏祈

睿鑒謹

硃批諭旨

重

尹繼善

奏

覽

雍正十二年二月二十九日雲貴廣西總督臣尹

繼善謹

奏爲奏明辦理元新賊首情形恭請

聖訓事竊元新賊首楊昌奉等前經陸續投出臣以各
犯聚衆作惡罪不容誅今旣投出殺之不足以示
威彰信當經繕摺

奏請俟軍務事竣將各犯調至省城發遣黑龍江等

處監禁以伸

國法以靖地方隨據總兵楊國華具報賊人三比藏
匿翅古箐內逞兇拒捕現今土目帶練押同投出
之賊首老常小名頭前往擒拏等語臣查三比一
賊甚屬兇頑老常小名頭原係一黨責成擒獻支
吾多日竝不實心出力不便再留軍前致有他虞
卽飛飭派撥官兵速擒三比一面將老常小名頭
先行解省去後乃楊國華專任土目遷延月餘旣
不發兵又不將老常小名頭拏解臣嚴飭再三楊
國華始令守備馬漢勛帶兵前往而三比先已脫
逃老常小名頭見三比未獲亦畏罪遁匿臣聞報

之下不勝憤恨現在嚴飭楊國華勒令守備馬漢
勛土目施糯利跟蹤窮追設法緝拏此雖楊國華
奉行不力之咎卽臣調度未妥之罪也因思投誠
各犯多隨軍前若不及時辦理必致乘機效尤況
烏圖一犯前雖據報投誠已經露面而性情狡猾
止以招覓逸賊爲詞總不肯親到大營誠恐已投
賊首被其煽惑復至漏網所關甚鉅隨飛行楊國
華將楊昌奉等作速調齊明白曉諭押令來省普
阿黑普成忠二犯在普洱軍前又飛行副將周儀
將伊等所帶後生先行分遣卽將普阿黑等拘送

聖恩來省乃楊國華脫卸已責將楊昌奉等各賊首先
已押交新平臣因飛諭新平文武作速押送恐其
聖恩抗違不服必先預備防範然後舉動乃於正月十
聖恩四日傳齊曉諭令其來省而賊首楊路支等抗不
遵依身帶利刃蜂擁奔逃其後生數十人亦羣起
猖肆當經新習營叅將魏明等督率伏兵立將楊
路支楊哈資卡朶普兆龍普光天普宏得耶体奈
七犯登時斬殺竝將兇惡後生斬殺十二名餘皆
拏禁幸未免脫其楊昌奉楊期得未敢放肆已遵
諭解省隨據周儀將普阿黑普成忠亦經解到臣

以各犯原係投誠當撥給房屋居住竝將伊等妻
子給還加謹看守恭候

諭旨再行辦理烏圖一犯看其情形不肯實心就撫已
自回元江老是達地方現在設法擒拏務期必獲
以除後患茲於正月二十九日臣齎摺人回欽奉
硃批諭旨臣跪誦之下仰見我

皇上睿慮高深

聖謨廣遠於用威彰信之中寓仁至義盡之道臣才識

短淺荷蒙

聖恩逾格獎勵指示周詳敢不悉心籌畫妥協辦理伏

查楊昌奉等久居新平兇惡素著前歲倡首悖逆
攻城劫寨殺掠焚燒元新一帶處處受其荼毒現
在人民莫不痛心切齒昨自新平起解來省沿途
夷獍見者無不跪拜畏之如虎誠有一呼百應之
勢今若仍將伊等安插原籍則觸目成仇餘黨易
集斷不能相安無事若卽在省城安插又不便嚴
加禁守此輩秉性兇頑難受拘束倘或逃走滋事
必致又費周章且內中普阿黑原係發遣江南逃
回之犯相隔萬里尚能逃回故土勾結悖叛咫尺
本省安能保其帖服臣輾轉思維不揣愚昧再懇

聖恩可否俯如臣前摺所請俟軍務事竣將伊等解部
發黑龍江等處監禁或卽在雲南省城給以衣食
永遠拘禁庶頑夷知有法紀而地方可免後慮臣
因慎重邊疆起見冒昧瀆請伏祈

皇上訓示遵行謹

奏

覽奏知道了楊昌奉普阿黑原係舊土司支派名雖投
首實難望其自新茲觀楊路支等抗肆情狀則若輩亦
何容姑息自應解部發遣黑龍江安插免貽後患至於
三比烏圖等犯尤屬渠魁斷不可疎漏乘此兵威嚴飭

楊國華速行盡力擒拏梟斬示衆倘不就獲楊國華性命繫焉將朕諭旨明白示之

同日又

奏爲奏明整頓三省營伍情形仰請

聖訓事竊惟雲貴廣西均係苗疆接連外域修明武備最爲緊要臣赴滇時隨路考驗到任後悉心體察三省營伍因連年出師一切軍裝器械頗多損壞兵丁技藝甚覺生疎不肖營員尚有佔食空糧而匠役廚夫以及書辦頭目所佔之伙糧爲數不少臣目擊情形心懷悚惕因痛指積弊通檄嚴查除

頭目伙糧前已

奏請清出另養餘丁外其廚夫人役所佔之糧已嚴
行禁革佔食空糧之將弁已經查出嚴行糾叅營
中書辦一分步糧實難辦公現在核減酌留不許
仍前多存空糧以虛營伍鳥鎗一項實爲營中利
器乃各營之鎗大槩長短不齊鎗口不淨不能有
準致遠雖經提臣蔡成貴條奏動項修製經部議
准尚未卽辦臣以此事萬不可緩但通身另造未
免糜費因令滇省各營細加選擇可用者存留不
可用者改製恐各營不能合式特製樣鎗令其照

造已經陸續動工其黔粵二省亦咨商提臣通身
確查一體整理鳥鎗之法固不外進步連環務期
手足熟嫻進退便捷施放聯貫中的有準方爲有
用臣親操標兵指示法則以爲表率竝於通省每
營調鎗手一排隨標學習熟練之後發回本營照
式教演其餘弓箭籐牌俱皆勒定期限上緊操練
但思教兵之法必長兵短器交相爲用而後遠近
有備廼邊省所恃者惟在鳥鎗夫鳥鎗原係利器
第苗獠人多用長杆環刀如崎嶇山徑或黑夜
攻營一旦撲挑近身鳥鎗湊手不及雖有腰刀又

素未學習刀法持二尺之鈍鐵敵丈餘之長桿兵
丁膽怯必至受累前車之鑒歷歷不爽臣過鎮遠
時與哈元生細談及此亦深以爲然臣隨細心商
酌添製雙手刀並長鎗二種令弓箭手分學凡鳥
鎗手亦必兼學單刀已從別省尋覓教師教習標
兵並於通省每營各調數人學習分教三省撫提
諸臣亦皆同心協力現經一體辦理平日操演卽
於鳥鎗之後以籐牌二名雙手刀二名長鎗二名
聯爲一排鳥鎗放畢卽長短相間突出衝擊庶乎
遠近有備可以緩急無虞再用兵之道固在隨機

應變因地制宜而一切規矩準繩所以熟其耳目
練其手足鼓勵其忠勇之志氣者全在講究於平
日乃各營所演陣勢多事虛文竝無實濟且一省
之中彼此不同甚非體制臣咨行三省自撫提總
兵以至將官俱令各就所見將平日操演之法造
冊送閱不但驗其才識竝以廣臣見聞今據陸續
送到內惟哈元生之式尚屬簡明其餘俱參差無
當而亦有可以節取者臣現在悉心考訂斟酌繁
簡將何以行軍對陣何以設伏安營何以視金鼓
旗幟爲分合進退縱橫變化之道一一講求俟規

模酌定仍與撫提各鎮諸臣細心商確然後繪圖
貼說分發三省使皆畫一遵行但恐奉行不力仍
屬故事臣竝勒定期操演純熟使各營出具甘
結到日再委鎮協大員錯綜查驗分別勸懲仍諄
致撫提諸臣共殫忠誠相助爲理務期營伍整頓
武備修明以仰副我

皇上慎重邊疆委任臣工之至意但臣才識庸愚深恐
料理未當仰懇
聖恩詳加指示以便有所遵循謹

奏

整頓營伍修明武備原爲封疆第一要務果共殫忠勤
亦何難料理汝見及此深愜朕懷惟是操兵之法無論
聯排聯伍用短用長總期熟嫻方收實效卽雙手刀長
鎗等械固宜兼學亦未可一律拘泥至云熟耳目練手
足鼓勵志氣是矣若臨敵對陣縱橫變化之術豈繪圖
貼說定限取結而兵弁遂能演習精妙者乎故曰神而
明之存乎其人徒法不能以自行也此諭其詳加體會

同日又

奏爲備陳清查雲貴廣西三省各營公費生息情形

仰祈

睿鑒事竊查每兵百名存留公糧二分以爲營中公費

奏誠我

肅查各省營公費

皇上體恤兵弁之深仁整頓營伍之良法爲武員者自當悉心料理盡歸實用方於營伍有益乃查三省各營公費多不清楚或任意濫費浮冒開銷或竝非公事混行私用或借造冊爲名而司道書役恣意分肥或指稱打點部費而京外提塘暗中索取以有限之公費混用者去其大半所有軍裝器械焉能整理臣到任後通身嚴查立定章程應用者分晰款項浮費者痛加減裁凡從前用之不當者

臣準情酌理可寬者免其已往應追者責令賠償
其中有玩法太甚者自當查明叅究竝會商提臣
通頒冊式令各營將所用公費條款詳細登註按
季造報逐款查核不許絲毫冒濫此臣清釐公費
之情節也再生息銀兩我

皇上愛養兵丁特發帑金賞給營運以資窮兵緩急此
誠曠古未有之

鴻恩陞任督臣鄂爾泰仰體

皇仁通盤籌畫議將督撫提鎮各標所領銀兩一體均
分各營營運凡經管將弁自當實力經營俾本銀

清楚利息充盈窮兵早得接濟乃雲南生息銀兩
多有營員借用客民借貸及放債兵丁取利盤剝
者伏思

皇恩賞給原令設法營運若取兵之利以爲賞兵之用
似覺於理不順況遇逃亡事故無人賠墊勢必虧
空至於官員私借更屬違例借端一開人人皆生
覬覦交相弊混彼此通那日久無力清還帑項必
歸無著臣深悉其弊不敢因循現在委員徹底盤
查凡官員之借欠立刻嚴追客民之借貸勒限歸
款其兵丁之借項行令分季扣還所開典當有不

值號件俱著落經手之人償補俟查明之後有情弊不可寬恕者定行嚴叅究處務期徹底澄清再爲因地制宜熟籌營運使帑項不至侵虧兵丁早沾實惠再貴州廣西生息銀兩從前

題准亦照滇省均分辦理迄今二載貴州止有撫提竝安籠鎮標已經領銀營運其餘尚未分領臣思黔省山多地僻貨販稀少若將銀兩按營分散則偏僻之處勢難生息必至本銀沉擱且過於零星礙難稽查莫若將通省應領之四萬餘兩儘巡撫提鎮大標及衝繁營分之地成總營運將附近僻

所奏已屬周密其更加詳察妥酌勉力爲之

雍正十二年七月二十三日雲貴廣西總督臣尹

繼善謹

奏爲滇粵全河告成事竊查滇省僻處邊隅不通舟楫處處崇山峻嶺商旅難行百貨騰貴是以開通河道甚關緊要查由滇通粵有土黃一帶河道發源於滇省廣南府之分水嶺合師宗州西隆州諸山之水匯聚成川自土黃起經西隆西林土富州土田州諸境過剝隘而至百色共計七百餘里可以直達兩粵旁通黔楚前督臣鄂爾泰以此河若

得開通滇粵兩省呼吸聯絡招徠商賈轉運糧糈
實爲萬世攸賴因於彙陳全滇水利疏內竝請勘
修旋值鄂爾泰進京而粵西屬員怠玩因循多稱
難於開濬遂至彼此益生疑沮委勘數年竟無定
見臣到任後備考圖籍密訪情形稔知此河水源
長遠易於施工據實估修所費有限隨遴委王廷
琬前往確勘總理又委粵省之泗城府知府張任
滇省之原任昭通州知府陳克復督率各地方官
協力分辦於滇省司庫官田變價項下撥銀六千
餘兩齎往招募夫匠分段興工疏濬開鑿計自雍

正十一年十二月起至本年五月已將全河七百四十餘里一律開通隨照貴州湖廣灘河駕使之麻陽船鰵船式樣成造試行往返無阻現在廣東之三板等船已有載貨前來沿河交易嗣後四方商賈聞風奔湊財貨可以流通且運鉛運錢可省數百里之旱路滇粵兩省受益實多除沿河安設塘汛建葢店房等項次第料理現飭承修各官俟水落之後再將新修各工收拾完備委員確勘酌定歲修務期永遠鞏固竝查實用過工料銀兩造冊報銷外所有全河開修告成緣由相應先行

奏明再土黃地名原係土人傳述誌乘無稽此河在

西林縣境居多西林爲古上林地方伏懇

皇上寵錫嘉名用昭久遠再全河七百餘里賴有

神靈保護素聞土黃一帶三四月間卽有瘴氣且山水暴發不常今自開工以至竣工河流平穩天氣晴明人力易施事半功倍且匠夫數萬一無傷損實有默助成功倘蒙

皇上敕建河神祠宇獲從報享之典則

皇仁優渥宣播遐方山川均被光華邊氓益增慶慰矣

是否有當統請

聖裁謹否旨當將請旨題至本年五月已將全河七百
皇奏題戰宜繼毀大山阻與縣次華數附益會與撥矣
此舉可嘉之至其建立祠宇併祭祀典禮交該部議奏
矣候旨遵行

雍正十二年十月初十日雲貴廣西總督臣尹繼
善謹奏

奏爲恭報三省豐收事竊查雲貴廣西三省禾苗自
皇上裁秧以來雨暘應時長發暢茂茲雲省於八月後
天氣晴明早稻晚穀顆粒堅實現在收穫登場約
奏計通省十分者多間有八九分不等菽豆雜糧較

天恩往歲更爲加倍米糧價值日漸平減菽麥賣至三
表四錢一石洵稱大有之年貴州廣西二省收成亦
與雲南大槩相等閭里盈寧羣歌樂利伏念雲貴
地方自夷猺滋事連歲出師民生困於兵火民力
疲於轉輸休息無時補救匪易幸蒙

上天宏慈默佑我

皇上景福駢臻於地方安定之後屢慶豐年得以少蘇
民困臣身膺重任欣感靡涯惟有愈矢冰兢不敢
一毫少懈愈加奮勉不敢一念自安而已所有三
省豐收情形理合具摺奏

聞仰慰豐郊計既野合具暨奏

聖懷謹享小報愈欣奮不煩一念自安而日祖育三

奏月因良輿重升風氣親臨育愈大永兢不煩

覽奏朕懷深慰緣卿忠誠任事有以感召平昔以少藎

天和雨暘調順故爾三省俱獲豐收邊氓何慶如之

天人交感捷如影響此理昭然不爽當深信勿疑愈勉寅

畏可也

同日又大樂舞等間里益寧肇煥樂師升念雲貴

奏爲恭謝不尚辭大育之平貴惟寬西二省外如亦

天恩事本年八月十二日臣齎摺人回蒙郊麥賁至莊

皇上賞賜香珠藥錠茶扇等件臣謝

恩跪領又於九月二十五日臣齎摺人回重蒙

賞賜端硯磁器花絹香珠荔枝茶葉等件臣謝

恩跪領伏念臣才識庸愚忝膺重寄撫心自問未效寸

長仰荷我

皇上聖心眷注

訓誨多方既

溫諭之頻頒復

錫予之稠疊似此非常遭際實爲逾格殊榮夫人臣輸

忠效力原屬職分當然豈因受一層

深恩始加一倍勉勵但受然豈因受一恩
恩有加無已而臣子圖報愈難惟有殫竭愚誠始終如
一務期邊方寧謐政治修明以仰慰

聖心勉盡職守所有感激微忱謹具摺恭謝

天恩謹

奏

誠能慎終如始何慮地方之不寧謐政治之不修明也
勉之

恩 雍正十三年二月初四日雲貴廣西總督臣尹繼

皇上善謹

奏爲奏明雨雪應時春苗茂盛事竊查滇省迤西一帶大理等府於年前十一月間卽經得雪順寧蒙化等府氣候溫和向來雪少俱經得雨滋潤迤東一帶昭通東川等府亦於年前十一月間得雪至正月初二等日昭通復得大雪積厚尺餘開春以來望雨正殷於正月二十五六等日大雨普霑遠近周渥豆麥菜花及時發生青葱暢茂處處民苗樂業米糧價值甚爲平減貴州所屬台拱遵義等處年前亦屢報得雪入春以後通省雨水甚屬調勻臣謹具摺奏

聞仰慰

聖懷謹

奏

冬春旣獲應時膏澤春苗自必長茂矣深慰朕之遠念

雍正十三年四月十六日雲貴總督臣尹繼善謹

奏爲奏明雨水調勻豆麥豐熟事竊照雲貴地方自

入春以來雨暘順序耕種及時豆麥發生極其暢

茂今交夏令漸次成熟現在豆已登場二麥結實

遍野四月以內卽可全穫詢之農民咸謂今歲春

麥收十分大熟一切菜花苕麥亦皆處處茂盛米糧

價值仍似去冬平減四月初間又連得大雨遠近
霑足臣謹具摺奏

聞仰慰

聖懷謹

奏

覽雨水豆麥情形欣慰曷似

雍正十三年六月二十九日雲貴總督臣尹繼善
謹

奏爲恭報大捷及現在進剿情形事竊黔省下游生
熟頑苗勾結悖逆於本年四月內焚劫重安凱里

攻陷黃平新州阻塞驛路蔓延內地臣札致提臣
哈元生親往清平就近調度并咨調湖廣廣西官
兵及飛調滇兵三千馳往策應業經繕摺

奏明奈提臣隨行兵單所調之兵不能猝至雖分頭
堵殺而苗類衆多勢甚猖獗於閏四月初三日逆
苗漫入黃平舊州人民逃空撥防兵丁僅一百五
十名力不能禦被賊入城焚燒房舍臣據文武稟
報隨查平越甕安餘慶相距舊州俱不過數十里
此際急宜駐兵打鐵關以衛平越城并分兵防守
甕餘二縣一面飛咨提臣一面星催前調滇兵趕

赴軍前應用總因官兵不敷提臣雖調撥分防僅能謹守打鐵關其甕餘二縣止各撥兵五十名前往逆苗窺伺兵單十八日復湧入餘慶城內焚掠文武員弁俱奔拒城外未遭殘害提臣隨撥兵飛堵馬鬃嶺隘口甕安得以保全清平之賊先於初十日蟻聚攻營大定協副將紀龍正在督率官兵出營對敵不意姦細暗入城內放火知縣邱仲胆竝無防範以致監犯悉行免脫提臣急遣官兵策應副將紀龍奮力截殺逆苗始行敗遁城池倉廩俱得無虞業將邱仲胆會叅在案其台雄丹江逆

苗因總兵卜萬年柔懦無能軍威不振於四月二十六日圍攻排咱營汛卜萬年遣遊擊姚宅中等帶兵往援因調度失宜傷損官兵不能取勝及卜萬年親自率兵前往又復退回排咱營盤口糧已斷於閏四月二十一日守備高謀把總王興泰蔡文魁等帶兵衝出四面受困對敵陣亡竝亡兵丁四百餘名丹江鷄溝悉被圍困臣據報又一面飛調滇兵一千三百名竝將前遣貼防安籠威寧之滇兵五百名亦行調往飛咨提臣如滇兵一到卽分一路由清平重安而出一路由打鐵關出舊黃

平以達新州兩面夾剿開通大路先固內地再剿
新疆隨於閏四月二十以外前調滇兵陸續先到
惟時清平之賊屢經副將紀龍奮力剿殺附近逆
巢已經焚洗提臣哈元生隨令廣羅協副將周儀
帶兵駐劄清平換出紀龍往攻重安遣叅將哈尚
德帶兵出打鐵關攻舊黃平哈尚德督率官兵奮
勇剿殺於閏四月三十日五月初一日連復新舊
黃平二城直至重安而重安之賊先於閏四月二
十七日又犯清平副將周儀督兵奮擊賊衆大潰
追過大風碛連破老君山險壘五寨副將紀龍乘

勢渡江殺散賊衆駐劄江岸與哈尚德會合逆苗
畏懼兵威俱逃躲山箐紀龍哈尚德又連日將附
近重安之賊分路搜剿斬殺甚多五月初七日提
臣遣都司陳思儀帶兵由新黃平而下叅將崔傑
帶兵由偏橋而上將沿途阻路逆苗悉行剿散驛
路俱通其餘慶縣城賊悉逃遁亦經乘勢恢復隨
於重安黃平餘慶及各關隘佈兵駐防搜洗山箐
餘孽斬殺生擒數千餘衆拏獲賊首羅萬象黎登
高王國俊安國林馬陞雲宋藍保龍登威龍貴林
等黃平一帶業已平定難民漸次復業其仍有藏

匿山箐者現在搜剿廣西官兵二千於五月初間
已經到齊總兵韓勲當遣七百名往八寨援剿遣
五百名往黎平貼防又節准廣東督臣鄂彌達咨
會因聞黔苗猖獗先後調廣東兵四千九百名委
高州鎮譚行義總統前赴古州協剿又撥廣西撫
標兵五百名駐劄丙妹又調廣西左江鎮總兵王
無黨來黔總統廣西官兵臣思廣東距黔遙遠師
行甚爲勞費但准咨之日起程已久阻止不及且
貴州逆苗蔓延亦須多兵分佈旋據韓勲具報廣
東頭撥官兵一千已於五月二十四日到古臣查

古州既有廣東官兵前來則廣西之兵可以撥出
另用丙妹地方現有黔兵駐防可無他慮廣西之
石碑汛界連古州甚爲緊要隨咨商提臣飛行韓
勲將駐劄丙妹粵兵就近調赴古州將廣東後撥
在途官兵留五百名駐石碑堵禦其餘廣東官兵
俟續到日再撥五百前往八寨兼防都勻撥一千
名駐黎平府貼防餘俱留在古州備用鎮遠一路
前調湖南官兵三千於五月內已到一千八百正
在沿河安營保護糧運分堵隘口乃有沅州協副
將傅爲斗於橫塘地方與賊對敵賊衆兵單陣亡

兵弁八十餘名賊勢猖狂四出黔楚官兵分應不暇於五月二十七日逆苗越入青溪城內燒燬衙署倉房副將柳定國等聞信飛援當時逆苗奔退城池保全臣以提臣相隔尚遠鎮遠一路必得大員統領隨會商提臣委左江鎮總兵王無黨帶廣西兵八百名前至鎮遠總統此路官兵清理內地援應清江勝秉勦洗倡首惡寨其清江勝秉二處屢遭逆賊圍困俱被官兵殺退幸無損失台拱道路雖有阻隔而近城一帶尚在無事隨又據台拱鎮總兵卜萬年報稱小丹江汛地於五月初五日

被苗攻破千總劉文魁等陣亡兵丁尚損一百餘
名其丹江營竝鷄講汎十分危急提臣派令副將
周儀紀龍帶兵二千餘名進攻凱里援應鷄講丹
江又令滇省遊擊王先帶兵一千餘名由麻哈平
定等處沿途勦賊前至卡烏竝令八寨副將馮茂
帶黔粵兵一千五百餘名由八寨一路勦賊至卡
烏與王先會合進勦九門等兇寨茲據副將周儀
紀龍具報於五月二十九日涉水渡河頑苗數千
拒敵督兵擊敗克復凱里連日破險焚巢於六月
初四日直通鷄講城汎保全初五日又通丹江前

後焚洗逆巢數十剿殺逆苗千餘弁兵止傷數名
遊擊王先副將馮茂等亦將九門等寨悉行焚剿
副將康世顯叅將崔傑哈尚德又將沿江最險之
螃蟹等寨剿洗擒獲大賊首阿九軍威大振逆賊
奔散逃竄將擒獲之賊逐一究訊知大賊首枉汪
等聚於空拜等寨築塼負固此最係兇惡巢穴現
已嚴飭諸將分佈周密併力剿擒其古州之八妹
等寨臣因內地未靜難以齊舉是以密令韓勲覲
緩深入今據韓勲稟報已將附逆之山漣寨剿洗
駐兵山舟等處扼要控制其附近古州以及上江

下江一帶俱各安帖六月十三日接大學士鄂爾泰等字寄雍正十三年五月初四日欽奉

上諭又調湖廣兵二千名來黔協剿復慮逆苗敗遁攻犯古州著派廣西兵三千名星往應援仰見

睿謨遠照籌算無遺又於二十三日臣齎摺人回接到

大學士鄂爾泰等字寄雍正十三年五月十八日

欽奉

諭旨一切剿撫機宜無不周詳指示臣跪讀之下感愧交深查廣西官兵先已調撥二千五百名今廣東又發官兵四千九百名是兩粵官兵調出已多廣

西同係苗疆亦須彈壓經臣咨會廣西督撫提臣
停其調遣湖廣官兵已准督臣邁柱咨會遵

旨再調湖北兵二千名委襄陽鎮焦應林總統已經起
程現在清平黃平餘慶平越等處俱已平定鎮遠
施秉偏橋都勻黎平俱無疎失大道已經開通其
鎮遠上下尚有數處逸賊出沒正在搜剿至上游
地方俱各處處安靜從此大兵雲集臣凜遵

聖諭與哈元生悉心商酌竭力辦理誓必淨掃妖氛不
敢稍存姑息仍貽後患所有屢報大捷及分路進
剿情形臣謹據實奏

聞謹陳部汪

部汪

部汪

部汪

部汪

部汪

奏

奏

奏

奏

奏

奏

奏

奏

覽頑苗如此一番猖獗朕與鄂爾泰暨汝等實無顏以對被害之邊氓也若不加意撫綏致使鋒鏑之餘復填溝壑於心安乎須極力辦理務俾一土安集得所以贖前愆倘吝惜帑金及或貪官污吏乘機侵冒而令無告窮民不霑實惠則更不可矣地方守令等官如有奉行不力潦草塞責者無論向日之官聲優劣卽以溺職叅黜其侵蝕冒銷者一面拏究一面題請正法示懲將此諭遍宣演默在事各員悉令知之咨會貴西督撫嚴

同日又

奏爲奏

聞事竊元江賊首老常小名頭二犯實係兇惡巨魁先經軍前尋獲因鎮臣楊國華不卽拏解令其招緝逸賊以致脫逃遁入外域臣已據實

奏明欽奉

硃批諭旨指示諄切令速行盡力擒拏臣凜遵辦理嚴飭文武多方躡緝嗣據楊國華報稱二犯攜帶男婦一百六十餘人由普洱整法出口逃入南掌守備馬漢勛等帶領兵練追至交界有南掌頭目叭

細里松法具結承認拏賊獻出等語臣查南掌原
係恭順之國今賊逃入彼境止須行令拏解仍於
交界要隘處所駐兵堵禦不許越境騷擾當卽飛
行遵照嗣據普洱文武稟報據南掌叭猛花稟稱
雍正十二年例屆貢期該國已恭備象隻卽擬起
程因逃賊老常小名頭勾結該國卡高夷民肆行
滋擾現在督兵勦擒俟拏獲逃賊時同象隻一併
解出等語臣因飛行獎勵飭令速拏逃賊不可縱
容貽患一面先行入貢毋得稽延去後節據文武
稟報雍正十三年三月初七日南掌差夷目解貢

象二隻到普據稱表文貢使因叭猛花帶兵拏賊
未能料理俟續後到普等語又據叭猛花稟稱逃
賊勾結卡高甚屬肆橫該國土兵懦弱兼少火器
請發官兵幫助前來臣當卽詳細指示鎮臣楊國
華令其相機辦理隨經楊國華令守備趙弘祖帶
領兵練駐劄猛腊界口遣把總李燦帶領官兵五
十名土弁施糯利等帶土練四百名於四月內前
往南掌補按地方協助勦撫而卡高各寨夷人一
見官兵臨境卽皆畏威投誠老常小名頭勢孤力
竭無路可逃於閏四月初九日帶同男婦一百餘

人赴營求撫把總李燦將該犯等一併帶出普洱
南掌地方已經平定臣據報飛諭楊國華等立將
老常小名頭鎖拏解省去後茲於六月十八日已
將老常小名頭竝其妻子等解到發司收禁審擬
正法并據該鎮府具報五月二十日又據南掌解
到餘象三條六月初二日自普起程赴省貢使表
文隨後起行等情到臣查元普賊首早已斬擒淨
盡惟老常小名頭二犯逃入外域今仰賴
皇上德威遠播訓示周詳二賊俱已就擒南掌人民莫
不感戴

天恩歡聲雷動除俟貢使到省另行

題報外所有擒獲賊首及南掌入貢緣由臣謹恭摺

奏

聞謹

奏

此二要犯既經就獲元江地方嗣後可望無事矣

人姓當亦無之也李將該地等處一帶出言訓
南王地方已定五城據據飛訊本國華等正將
老常小名和領單單自去後該地八月十八日已
將老常小名和與其妻子等解到該地收禁審擬
此二要緊情勢派兵嚴密圍守河堤無虞餘軍解
奏列餘軍三營八月二十日自營進往該石貢使表
聞該處隨後進行等情到臣查元普賊首早已斬擒即
奏准老常小名和等犯進入外城今仰賴
皇恩賊首已斬首餘賊知首父南華入貢經由臣謹恭摺
大恩耀耀雷通制對貢封陝首以行

世宗憲皇帝硃批諭旨後序

皇考世宗憲皇帝天縱聖神精勤庶政四方文武臣僚具摺言事者日或數人人或數事緘封直達御前手自批發或立見施行或咨詢廷議善者溫綸褒予過者訓戒諄諄隨宜指示悉出

睿裁一字不假手於人御極十有三年常如一日粵

雍正十年

特檢歷年批發奏摺命內廷詞臣繕錄校理付諸剞

刷彙成數帙輒以內廷諸臣熟讀於野於館
領賜在廷羣臣工未告竣奄遘

上賓予小子纘紹丕基敬展遺篋見所貯
手批奏摺不下數萬

奎畫爛然克溢巨麓然以未經
皇考檢定不敢意為增益謹就檢錄已定者彙著為
目前後凡二百二十三人分一百一十二帙統
為十八函當時隨檢隨發無先後倫次茲亦不

復排類蓋摺奏浩繁不勝編錄所刻僅十百中
之一二略見大凡本非全覽故也既告歲事謹
綴序言於後洪惟我

皇考至仁如天至明如日至誠如神簡拔賢才任之
以心膂股肱之寄開誠布公藹然家人父子無
不可盡之言諸臣之才具大小短長與性質之
剛柔彊弱克知灼見如權衡繩尺之不爽片長
足錄亟登而進之有不及則激厲而開導之稍

肆焉則裁抑之其陷於過始則訓飭之能改則
已不悛則戒儆之使知悔艾終於怙惡則亦未
嘗姑容然哀矜惻怛之意尚流溢於毫楮間也
同一事而此或俞之彼或拂之非有所好惡於
其間也蓋俞之者必有可俞之道而拂之者亦
必有可拂之端同一人而始或予之終或斥之
非有所喜怒於其間也蓋始有可予則予之終
有可斥則斥之明燭幾先坐悉情偽遠隔萬里

遲閱數年

睿鑒所周範圍莫越正人心厚風俗兢兢業業儆戒
無虞雖屢豐見告瑞應頻仍而惟是憂勤惕厲
之心久而益篤記有之曰天道至教聖人至德
春秋冬夏風雨霜露無非教也我

皇考之為治一天道之運行教澤所被百志惟熙即
萬世而下尚如日月之臨照光景常新春風之
煦然被物不自知其感動奮發而興起也予小

子寅承鴻業自惟寡昧無能企逮萬一仰法

皇考明目達聰孜孜圖治之心祇紹

徽猷夙夜黽勉其服教畏神警省弗怠之志詎敢以

歲月易耶謹序

乾隆三年春三月既望敬書



乾隆三年二月初四日奉

旨開列編次校對監造收掌諸臣名銜

編次

少保保和殿大學士兼兵部尚書世襲三等伯

臣

鄂爾泰

少保太子太保和殿學士兼吏部尚書翰林院學士世襲三

臣

張廷玉

校對

刑部左侍

郎臣

劉統勲

翰林院侍讀學

士臣

楊炳

司經局洗

馬臣

趙大鯨

翰林院檢

討臣

陸宗楷

翰林院編修臣張灝

翰林院編修臣錢本誠

翰林院修撰今提督陝西學政臣周 霽

翰林院編修臣徐以烜

翰林院編修臣沈慰祖

翰林院編修臣楊廷棟

翰林院檢討臣韓彥曾

翰林院檢討臣阮學浩

翰林院編修臣馮元欽

原任翰林院編修今監察御史臣徐以升

原任翰林院庶吉士今山東武定府商河縣知縣臣范從律

監造

巡視兩淮鹽政監察御史內務府佐領臣三保

協理河南道監察御史臣沈喻

收掌

委署主事臣伊立布

庫掌臣虎什泰

修正張

修補錢本

翰林院修補今是晉陝西

車林院編掌引劉於恭

委林署院主事引增立市

翰林院編修引楊廷棟

謝野南南魚溫察喻史引武彥帥

漢縣兩並鹽煙溫察喻史內孫引劉

溫登修引馮元欽

鳳去韓林劉魚吉今山東左武訓商引劉

